



石又書之一端金石在籀名之爲學

九流流之中又別其流焉嘉興李氏

西泚王氏之說輟古今人之講

石學錄四卷余插架雖有其書未暇

心同下沈神復廉訪究心金石之學從余借閱因

取而讀之見其舛漏實甚雖以余之讜陋尚可爲之

補正遂就見聞所及筆之簡端以復見而善之余復

加搜討明以前論如干事本朝以後續如干事門人

魏稼孫大令之時之深于金石者也遺書詢之又得

金石學錄補序

如干事編爲二卷名曰金石學錄補余于金石之學

未嘗問津掛一漏萬不免李氏之失知我者以爲聊

勝博奕也可

光緒五年歲在屠維草閱壯月歸安陸心源撰

國朝吉
大清

嘉興李氏

西泚王氏

沈神復廉

魏稼孫大令

如干事

後續如干事

門人

遺書

詢之又得

金石之學

未嘗問津

掛一漏萬

不免李氏

之失知我

者以爲聊

勝博奕也

可

光緒五年

光緒五年之夏余端居無事輯金石學錄補二卷以
補李金澗氏之缺自漢至今凡得一百七十人今復
搜采羣書証以問見又得一百六十餘人重加編次
定爲四卷合之李氏原書都得八百餘人古今言金
石者略備于斯矣李書兼收同時諸公余書斷自己
往懼標榜也光緒紀元之十二年歲在柔兆闔茂則
陽月陸心源識

金石學錄補



一

此書... 補... 金石學錄... 陸心源... 陽月... 陸心源識... 補李金澗氏之缺... 搜采羣書... 定爲四卷... 石者略備... 往懼標榜... 陽月陸心源識

金石學錄補目錄

卷之一

晉

陳騶

郭緣生

伏琛

釋道安

鄭緝之

戴祚

宋

盛宏之

裴松之

邱淵之

謝靈莊

車灌

金石學錄補目錄

齊

蕭鑑

段祖廣

劉澄之

陳

顧野王

梁

釋僧祐

顧琳烜

周

斛斯徵

唐

金石學錄補目錄

顏昭甫

許嵩

吳協

梅某

宋王

榮啓道

徐鉉

句中正

文彥博

蔡襄

寇準

夏竦

胡恢

楊景略

張舜民

張崇燾

邢恕

蘇頌

王洙

晏溥

金石學錄補 目錄

胡俛

王壽卿

王欽臣

蔡肇

李中祐

胡宗師

邱棠

王楚

張厚

劉瑗

伏乞氏

韓存中

范育

榮啟道

王溥

榮咨道

榮輯

許某

張詢

韓續

劉釋如

王怡

董之明

楊滙

趙令時

劉昌詩

左膚

吳珏

王錫老

史某

裴焯

胡戢

何頡之

張商英

蔡挺

劉沈

永興軍某縣尉

楊與權

張愔

王玠

金石學錄補目錄

王康功

祖博

李宰

呂崕

趙茂曾

吳衍

李誠

眞元弼

宋敏求

李復

丁宏

楚朝宗

姚雄

趙仲忽

趙九成

黃氏

安氏

趙氏

孫默

牟益

鍾璇

張敦頤

李丕緒

王卿月

卷之二

宋

虞仲房

彭大雅

章綜

翟敦仁

李昭玘

翟汝文

薛季宣

莫濟

林師點

洪皓

陸游

汪遠

金石學錄補

目錄

四

周必大

凌萬頃

晏表

董棻

丁瑞叔

周應合

談鑰

宇文紹奕

鄭宗聖

李孝美

楊鎮

劉克莊

鄭僑

鄭寅

羅棠

潛說友

程勤

樓錫

董材

褚師秀

時佐

岳珂

徐度

王銍

張偁

韓澆

尤袤

俞仲遠

周晉

金

孔元措

蔡珪

馬定國

黨懷英

高德裔

王庭筠

許古道真

金石學錄補

目錄

元

柯九思

熊朋來

楊桓

吳獻

戴侗

楊鉤

張古城

梁寅

張鉉

鮮於樞

陳翼

戚光

如賢

馮子振

張樞

真著

李東陽

羅和齋

李應麟

趙伯昂

董頌石

吳文貴

劉燿

李秉彝

李和

廉希貢

喬贊成

趙孟籲

姚燧

焦敏中

王芝

王子明

朱希真

黃伯玉

李處巽

李好文

金石學錄補目錄

唐允文

卷之三

明

陳登

楊士奇

劉智安

梁潛

鄭真

楊璿

洪遵道

鄒仲熙
高庭禮

吳寬

凌湛初

程於行

李應禎

陸深

李東陽

王直

祝允明

徐燭

謝肇淛

沈洪

王世懋

卞登

湛若水

周宏祖

焦竑

張鳴鳳

董斯張

顧從義

沈懋孝

周思宸

吳炳

宋大韶

張應文

劉同升

程福生

金石學錄補

目錄

卷之四

國朝

李中馥

潘耒

彭元瑞

徐天柱

查禮

金德瑛

陳孝泳

劉錫信

徐松

趙希璜

袁三綱

袁五常

李宗瀚

張瑞木

方嵩年

萬光燁

陳萊孝

宋振譽

金忠清

孟超然

吳穎芳

王念孫

馮敏昌

趙曾

郭尙先

社春生

陳文述

趙紹祖

林喬蔭

鄭杰

李鴻瑞

段嘉謨

徐宗幹

車持謙

陸耀燾

沈濤

朱士端

金石學錄補

目錄

王楠

八

許瀚

馬邦玉

翟雲升

張寶德

陳宗彞

甘熙

朱緒曾

姚際恒

陳暘

巴樹穀

方城培

鮑桂孫

楊芳荀

胡匡憲

沈巍皆

李宗昉

劉寶楠

牟農

程學金

馬星垣

王 某

翁大年

汪士祝

王椿源

萬承紀

陳受笙

錢 馥

徐 鼎

楊 栩

李載春

程文榮

貝 墉

翁樹培

董桂科

馮 鵬

葉紉之

李彥樂

周世榮

包世臣

金石學錄補

目錄

九

洪頤煊

嚴 觀

吳榮光

熊象階

夏之盛

徐 懋

李璋煜

瞿世瑛

黃安濤

姚 晏

韓克約

沈欽韓

陳慶鏞

丁 晏

黃本驥

吳蘭修

夏 寶

魏本唐

吳式芬

劉師陸

蔡雲

張崇懿

馬昂

初尚齡

戴熙

金錫鬯

李佐賢

鮑庸

毛式玉

陳樹華

錢泰吉

劉永松

韓崇

顧沅

沈復燦

曾載奎

方可中

劉位坦

莫友芝

呂佺孫

金石學錄補

目錄

十

程慶餘

方朔

馮承輝

沈樹鏞

何慶恩

丁彥臣

吳雲

許宗寅

曹籀

趙之謙

溫忠善

樊彬

王國均

趙良霽

陳介祺

魏錫曾

陳增祥

汪鋈

宋祖駿

湯敬

韓泰華

邊浴禮

段錫由

張穆

程洪溥

僧達受

徐燮鈞

俞燮

倪模

王家齊

方履錢

楊翰

李光庭

馬恕

吳汝綸

鄧嘉緝

陳詩

田溥光

毛瀚

甘揚聲


金石學錄補目録

王朝桀

金石學錄補卷之一

存齋雜錄之五

歸安陸心源剛



晉

陳騶官將作大匠撰雜碑二十二卷碑文十五卷見隋書經籍志集部總集類注是為金石學之祖李氏遇孫以為始于梁元帝碑英者非也

案隋書經籍志注云梁有碑文十卷謝莊撰釋氏

碑文三十卷梁元帝撰雜碑二十二卷碑文十五

卷晉將作大匠陳騶撰是釋氏碑文三十卷為梁

元帝撰雜碑等為陳騶撰文義甚明鮑氏以文以

金石學錄補卷之一

雜碑等屬之梁元帝誤會注文李氏仍鮑氏之誤

郭緣生撰述征記二卷續征述記隋書經籍志書中載城

陽靈臺碑漢建寧五年五月成陽令管遵立堯陵北

伍員祠碑是晉永興中建水經疏引華岳廟前碑段熲

所刻其文張景所造仍自書之鍾公題其年月曹真

祠在北邙山刊石既精書亦甚工原本北堂書鈔齊文藝部存類

之東有一谷谷中有詹瑜先生碑原本北堂書鈔鄴衣冠部詹瑜類

城青門外有魏卓騎將軍郭淮碑小城最東一門名

落索門門裏有司馬京兆碑郡民所立太平御覽居處部門類

漢陽嘉元年太學贊碑太尉龐參司徒劉琦太常孔

扶將作大匠胡廣等記御覽禮儀部 崆峒山有堯碑禹碣

皆攬文下相城西北漢太尉陳琳墓有三碑近墓一

碑記弟子盧植鄭玄管寧華歆等六十人其一陳登

碑文蔡邕所造御覽文部碑類

案記地理而敘述石刻李氏以為始於酈道元之

注水經魏收之志地形不知郭緣生戴祚實創于

前酈魏乃用其例耳水經注引郭戴之說甚多是

其證也

伏琛撰齊記隋書經籍志 載朱虎城東二十里有柴阜其

西南隅有魏獨行君子管寧墓東頭有魏徵士邴原

金石學錄補卷之一

一一

墓石碑猶存御覽禮儀部冢墓類

釋道安姓衛氏常山扶柳人也符堅攻襄陽為堅所

得住長安五重寺監田縣得一大鼎容二十七斛邊

有篆銘人莫能識乃以示安安云此古篆書云魯襄

公所鑄乃寫為隸文又有人持一銅斛於市賣之其

形正圓下向為斗橫梁昂者為升低者為合梁一頭

為籥籥同黃容半合邊有篆銘堅以問安云此王莽

自言出自舜皇龍戊辰改正之卽真以同律量布之

四方欲小大器鈞令天下取平焉其多聞廣識如此

高僧傳

鄭緝之撰東陽記

用書經
精志

載獨孤山有古冢臨溪其

塋文曰筮言吉

言凶三百年墮水中義熙中猶斗

存

御覽冢
墓門

案此爲記古塋之始

戴祚字延之江京人從劉裕西征姚秦撰西征記二

卷

隋書參封氏見
聞記太平御覽

載洛陽國子堂前有列碑南北行

三十五枚刻之表裏書春秋經尚書二部大篆科斗

三種字碑長八尺今有十八枚存餘皆崩太學堂前

石碑四十枚亦表裏隸書尚書周易公羊傳禮記四

部本石堦相連多崩敗又太學讚碑一所漢建武中

金石學錄補

卷之一

三

立時草創未備永建六年詔下三府繕治百魏文典

論六今四存二敗

御覽文
部碑類

金鄉焦氏山北數里有

司隸校尉魯峻冢前有古石祠堂壁皆青石隱記

書契以來忠臣孝子貞婦孔子及弟子七十二人形

像皆刻石記之

御覽冢
墓門

案隋書經籍志戴延之西征記二卷又戴祚西征

記一卷新唐書藝文志有戴祚無延之愚按封氏

見聞記言祚從劉裕西征姚秦水經洛水注言戴

延之從劉武西征是延之祚當是一人蓋名祚字

延之以字行隋志兩見當更正

宋

盛宏之臨川王侍郎撰荊州記三卷隋書經籍志載鄧城

西百餘里穀城伯綏之國城門有石人刊其腹曰摩

兜堅慎莫言藝文類聚居處部華容縣西有陶朱冢樹碑云

是范蠡史記越世家正義冠軍有張詹墓七世孝廉刻其碑

背曰白楸之棺易朽之木銅鐵不入瓦器不藏嗟夫

後人幸勿見傷御覽文部碑類

裴松之宋書有傳撰西征記言從征西至洛陽歷觀

舊物見典論石在太學者尚存而廟門外無之三國志魏

少帝紀注

金石學錄補 卷之一

四

邱淵之宋書有傳撰征齊道里記載瑯琊城始皇立

碑是李斯所刻御覽文部碑類

謝莊撰碑集十卷隋書經籍志

車灌撰碑文十卷隋書經籍志

案經籍志尚有荊州雜碑等書不著撰人

齊

始興王蕭鑑齊高帝第十子督益州于州園得古冢

無復棺但有石槨銅器十餘種並古形玉璧三枚金

銀爲蠶蛇形者數斗又以朱砂爲阜水銀爲池南史

段祖廣漢什邡人以溲于獻始興王鑑高三尺六寸

六分圍三尺四寸圓如筓銅色黑如漆甚薄上有銅馬以繩系馬令去地尺餘灌之以水又以器盛水於下以芒莖當心跪注澆于以手振芒則聲如雷清響

良久南史高帝諸子傳

劉澄之都官尚書撰梁州記卷隋書經籍志載仙人唐

公房祠有碑一所碑文云是其舊宅公房降宅登仙

原本北堂書鈔地部坑門

陳

顧野王陳書有傳撰輿地志三十卷載琵琶折有古冢半在水中壁有隱起云琵琶筵云古龜云凶八百

金石學錄補

卷之一

五

年墜水中謝靈運取璧至京師御覽冢墓門

梁

釋僧祐俗姓俞世居建業齊梁間見重宮省撰諸寺碑文四十六卷此外又有宏明集釋迦譜等書天監

中終於建初寺隋書參高僧傳

顧烜著錢譜一卷隋書經籍志

周

斛斯徵字士亮河南洛陽人樂有澆于者近代絕無此器或有自蜀得之皆莫之識徵見之曰此澆于也眾弗之信遂依干寶周禮注以芒筒捋之其聲極振

眾乃歎服徵乃取以合樂焉周書

唐

顏昭甫字周卿少聰穎工篆楷草隸特為伯父師古所賞凡所注釋必令參定為天皇曹王侍讀曹王屬有獻古鼎者篆書二十餘字舉朝莫能讀昭甫盡能

讀之陳思書小史

許嵩著建康實錄其辨吳天璽碑曰案吳錄其文為華覈作其字大篆未知誰書或傳皇象恐非在今縣

南四十里龍山下建康實錄

吳協撰大鼎記記古人鑄鼎本源及其形制讀書志

金石學錄補卷之一

六

宋

徐鉉字鼎臣江南人撰古鉉銘碑一卷叙云建陽有越王餘城城臨建溪村人于溪中獲一器狀如鐘長八寸運六寸柄一尺柄端有雙角相向箱重十斤銘四十八字獻之刺史王延政有摹其字以示鉉者惟連鉉二字可識籀史

句中正字坦然益州華陽人孟昶時舉進士及第精于字學古文篆隸無不工太平興國二年獻八體書授著作佐郎直昭文館咸平三年五月同州民湯善德于河濱獲方獻一上有十二字九月好時令黃傳

鄆獲方顛一銘二十一字詣闕以獻詔示中正及祕閣柱鎬中正識其刻書以隸古文訓之少者八字多者七十餘字

宋史參
籀史

文彥博字寬夫介休人封潞國公藏有王子吳飢鼎

乙鼎片旅鬲單伯彝伯王盃季姬彝

宋史參
攷古圖

蔡襄字君謨仙遊人慮古書之磨滅嘗以碑刻畫完好者纂而爲十四卷

衍
極

寇準字平仲華州人封萊國公藏有甬鐘

攷古
圖

夏竦字子喬江州德安人謚文莊著古文四聲韻祥符中郡國多獻古鼎鐘盤敦之器而其上多科斗文

金石學錄補

卷之一

七

字竦乃學爲古文奇字至偃臥以指畫寢衣其勤如

此

王珪華
陽集

胡恢金陵人華州推官工篆籀坐法失官韓魏公琦當國恢獻詩自達公憐之令篆石經因得復官

楊景略字康功揚州人集周秦以來金石刻文至七十卷用以考驗前史疏据與夫考佚之事其辨博通

洽抑有資焉

蘇魏公集
卷五十七

張舜民字芸叟邠州人徽宗朝以龍圖閣學士知同州坐元祐黨籍貶生平嗜畫題評精確雖南遷羈旅中每所經從必搜訪題識藏疇彝五彝田畝主人舉

爵癸舉爵

攷古圖參書史會要

張燾字景元河南人武宗時判太常知通進銀臺司

藏有漢石經殘石孔父鬲散敦師奭父旅簋單父髣

卣單父從彝姬窶豆

攷古圖參東觀餘論宋史

邢恕字和叔鄭州陽武人徽宗時仕至顯謨待制著

爾雅疏藏有伯作卣

攷古圖參宋史

蘇頌字子容南安人徙居丹陽慶歷二年進士官至

中書門下侍郎贈魏國公藏小子師簋鄒子鐘同上

王洙字原叔睢陽人終南京留臺嘗被旨篆五經刻

石于國學皇祐初仁宗召宰執觀書太清樓因閱郡

金石學錄補

卷之一

八

國所上三代舊器命模窳以賜近臣有翰林待詔李

唐卿者以隸字釋之十得二三原叔又釋始通八九

史攷

晏溥字慧開丞相元獻公之孫叔厚之子豪傑不羈

之士也好古文邃于籀學作晏氏鼎彝譜一卷載所

親見三代鼎彝及器窳靖康初官河北金賊犯順散

家財募兵扞賊與妻玉牒趙氏戎服率義士力戰而

死攷史

胡俛字公謹熙甯戊申以司封員外郎知和州取仁

宗所賜器窳五銘鑱石傳世但以辟宮敦爲鼎以太

簠爲斗以仲信父旅顛爲賁顛爲未盡善

同上

王壽卿字魯翁陳留人祖擇之之外甥召至京師使

篆字說辭以與王氏之學異復以命李孝揚而壽卿

終身布衣趙明誠撰古器物銘碑十五卷壽卿爲之

篆壽卿得二李筆意字畫端勁未易及

書史會要參攷古史

王欽臣字仲至應天宋城人洙之子官至集賢殿修

撰性嗜古藏書四萬三千卷手自讐正世稱善本藏

號美敦寅簠師餘尊後中尊舉爵伯索孟

攷古圖參宋史却掃

編

蔡肇字天啓丹陽人元豐二年進士官中書舍人顯

金石學錄補

卷之一

九

謨閣學士知明州藏祖丁占

宋史參攷古圖

翟耆年籀史目

有蔡氏鐘鼎欵識三卷疑卽肇所著也

李中祐皇祐五年重刊吉日癸巳四字于趙州解而

題其後

胡宗師元祐六年爲江東轉運副使遊府南天禧寺

見天璽紀功碑半埋土中輦置漕臺後圃籌思亭而

題其旁

石刻

邱棠眉山崇寧壬午宰眉山時樊敏碑將仆扶而

植之又爲屋以庇之而題其陰

王楚政和中主管衡州露仙觀著鐘鼎篆韻一卷

馮子

振增廣鐘鼎篆韻序集三代秦漢彝器繪其形範辨其款識撰

博古圖二十卷增多呂氏十倍郡齋讀書志

張厚字處道新鄭人平生無他嗜好藏書將萬卷金

石刻亦富皆得自幼時無剝蠹可喜朋友得見之至

于三代尊彝鼎彝之屬則深藏不出戶牖曰吾為一

己之奉耳安能伺人之顏色而博其歡笑哉景迂生集張處

道墓誌

劉瑗字伯玉開封人宋內臣官至通侍大夫武勝軍

承宣使父有方性喜收藏故能攷核真偽論辨古今

放筆作雲林泉石頗復瀟灑贈少師諡忠簡藏師矣

金石學錄補卷之一

十

父旅簋樂司徒从缶中爵單爵攷古圖參宣和畫譜圖繪寶鑑

伏乞氏扶風人藏東宮方鼎雁侯敦史剝攷古圖

韓存中字持正穎川人為蔡京所不喜宣和問知鄭

州蝗不入境建炎初卒藏商見癸鐘攷古圖參曲洧舊聞

范育字巽之邠州三水人少从張橫渠學舉進士為

涇陽令元祐初官光祿卿藏有牧敦攷古圖參宋史

榮啓道東平人藏從單彝木父己缶攷古圖

王溥字齊物并州祁人仕漢至宋歷官參知政事宋

史有傳溥薦何拱為鳳翔帥拱思所以報之問溥所

欲溥曰長安故都多前賢所版願悉得見之拱至分

遣使督匠摹打凡得石本三千餘以獻溥命善書者
分錄爲宛炎集凡百卷當拱訪求石碑成蹟害稼村
民深以爲害多鑿鑿其文字或鐫斷擊折爲柱礎帛

楊文公
碑苑談苑

樂咨道字詢之元祐初官太常寺協律郎奏天子之
用編鐘玉磬登歌今年親祠明堂便可施用所貴章
明盛典從之長編三百八十六博學多聞試于奉常通判鎮
戎軍樂城累官朝請大夫以薦趙蔭降左朝散郎大

詔所收古器最盛凡百餘種有婦彝單彝彝幾觚父

石學錄補卷之一

十一

乙丁簡子父榮長宜子孫洗哀父乙鼎左樂鍾且戊
觥蘭席鐙父丁卣各敦當以二十萬錢買虞永興夫
子廟堂碑是未剗去大周字時墨本額書大周孔子
廟堂之碑八字碑末長安三年太歲癸卯金四月壬
辰水朔八日己亥木書額又云朝議郎行豹衛長史
直鳳閣鍾紹京奉相王敘楊勒碑額雍州萬年縣光
宅鐫續攷古圖翟耆年籀史目有榮氏攷古編十五
卷宋史藝文志晁陳書目皆未箸錄疑卽咨道啟道
所著

榮輯字子雍元祐中累官左宣德郎強學力文履行

純茂第進士充西京穎昌學官

范太史集廿四

終于禮部吏

部郎酷好圖畫務廣藏畜每三伏中曝之各以其類

循次開展滿其家日日更換旬日始了好事家鮮其

比也

鄧椿畫繼

藏有周彝

續攷古圖參遊宦紀聞道鄉集

許某河南人得伯蓋饋盦伯蓋頽盤于太行石室中

續攷古圖

張詢字仲謀咸陽人官至知施州與黃山谷爲兄弟

交唱和甚多居官清慎著有詩集嘗于長陵蕭城中

得漢銅鈇文曰武安侯家銅鈇一容一石二升重四

十二斤第一

續攷古圖參山谷外集

金石學錄補

卷之一

七

韓縝字玉汝闕對雍邱人哲宗時官尙書右僕射兼

中書侍郎藏天鳳料狀如勺其柄有銘云大官乘輿

十凍銅料重三斤九兩新始建國天鳳上戊六年十

二月工遵造史臣闕掾臣岑旁丞相宏令丞相第二

十六料食器

避暑錄話參宋史

劉繹如東平人字成叔哀次前代金石刻爲書不以

世代歲月獨以得之先後爲次第取其先大父所藏

署卷首凡得四百裘目曰金石苑年二十餘方以進

士得官時時過劉歧舍所誦說已多鐘鼎間語

學易人

王怡字彥適滎陽人爲縣令而夫妻手裝碑本無虛

日職事曠被拘不得去而不悔

學易人

董之明字子年少亦收藏古今刻辭壘壘成誦數遺

劉跂東漢以前墨本

學易人

楊滙字源澈成都人號靖恭先生天資介潔于朝廷故實士大夫譜牒皆能通貫杜門委巷著書賦詩又邵伯溫嘗薦之曰學行甚高志節甚苦于本朝典故家氏族奇字異書無所不知藏書萬籤古今石刻本過六一堂集古錄所有者

聞見後錄

趙令時字德隣燕懿王後號聊復翁箸候鯖錄載家有古鏡銘曰漢有善銅出丹陽清如明左龍石虎神

金石學錄補

卷之一

三

仙藥名隱訣云銅亦名丹陽又一銘云尙方作鏡眞大巧上有仙人不知老渴飲玉泉飢食棗浮雲天下散四海壽如金石佳且好東坡云清如明如而也若左傳星隕如雨潁州頓氏一鏡銘云鳳凰雙鏡南金裝陰陽合爲配日月常相會白玉芙蓉匣翠羽瓊瑤帶同心相親照心照瞻壽千春西京雜記云漢有方鏡廣四尺九寸高五尺表裏有明人直來照之影則倒見以手覆心而來則見腸胃五藏歷歷無礙人有疾病在則掩心照之知人病之所在又女子有邪心則瞻張心動始皇以照宮人瞻張心動者卽殺之一

鏡云蔡氏作鏡佳且好明而日月世少有刻治六官
悉皆在長保二親利孫子傳之後世樂無極後又得
一面皆大鼻一鼻上有八篆文中有魯國二字可識
奇古如鐘鼎樣亦深入字背上者突出又見一鏡背
花妙麗又有貞字飛霜四篆字

宋史燕懿王傳
參侯鑄錄

劉昌詩字興伯江西靖江人箸蘆浦筆記載周益公
出示漢磚五皆得于劍州梓潼縣謝君磚其文云元
和三年五月甲戌朔謝君久造此墓按元和之號惟
漢章帝唐憲宗有之憲宗之三年其五月則壬午朔
也而此甲戌其爲漢隸不疑扈君申磚其文云持節

金石學錄補

卷之

十四

使者北宮衛令扈君千秋之宅建武二十八年五月
丙午工李邑作乙磚其文云北宮衛令扈君萬秋宅
皆篆文漢北宮衛士令秩六百石以長厯攷之是歲
壬子下到今清熙壬寅一千一百二十載矣范君甲
磚其文云嗟痛明時仲治元年結僮孳孳履踐聖門

智辨賜張

缺

一 嚙孔言寬博

缺

一 約性能淵泉帶徒

千人行無遺愆乙磚其文云德積未報曷尤乾叞茂
而不實顏氏暴顛非獨范子古今皆然相貌觀形列
畫諸先設生有知豈復恨焉漢范皮闕旁耕者嘗獲
巨磚二皆爲當路取去惟拓本傳于好事之家乙磚

僅存此范君墓中之銘晁錯傳公卿言鄧先師古曰
鄧先猶言鄧先生也列畫諸先豈非墓中列畫古賢
如梁武石室之類邪先儒謂謝朓始爲誌銘此可証
其誤梓潼城磚其文云梓潼城篆文皆同一磚之重
至十斤歲月雖無所稽然字畫勁奇非近古所能作
者蘆浦筆記

左虜廬州人元符二年官殿中侍御史言竊聞宗室
果州團練使仲忽得古方鼎一飾以龍文旁有隸識
曰魯公作文王尊彝色正綠伏望宣取詔儒臣博加
考議詔令禮部取納三省看驗長編五百十六
參宋史錢遜傳

金石學錄補卷之一

十五

吳珏字樛叟宣和中爲光州固始令令民有罪皆入
古器自贖既而罷官得五六十器遇葉石林于汴上
出以示有三件物數十器避暑錄語
自號錄

王錫老東平人紹興九年金歸河南地商賈往來攜
長安秦漢間碑刻求售于士大夫多得善價錫老貧
甚節口腹之奉而事此清波雜志

史某不詳豈貫瀋熙癸卯知綿州聰明而勇于舉事
無細大一以身辦之吏胥既洪默無所伸而斯民疾
苦皆得以自達以其暇日博採近郊石刻置之集古
堂秦漢隋唐以至于宋其碑凡十壁立森拱凜然清

裴煜字如晦江西臨川人慶曆年進士累知吳江縣嘉祐中爲禮官詳定祠祭禮終于翰林學士煜文學博正與梅聖俞劉敞歐陽修王安石爲友倡酬甚密亦好金石嘗與歐公書曰煜頃嘗謂周秦東漢往往有銘傳於世間獨西漢無有王原叔言華州片瓦有元光字急使人購得之乃好事者所爲非漢字也待坐語及公亦謂家集所闕西漢字耳煜守丹陽日蘇氏者出古物有銅鴈足鑿制作精巧因辨其刻則黃龍元年所造其言榮宮二史間未始概見遂摹之金石學錄補卷之一

六

欲寄左右以爲集古錄之一事會悲若不果昨偶開篋見之謹以上獻亦聞原父於秦中得西漢數器不知文字與此類不煜再拜

荆公詩注參西江人物志

胡戡字叔文其城人祕閣校理俛之子自號蘇門居士好古博雅閉門却掃涵肆詩書百氏爲文章盡俛之學篆刻甚工藏書萬卷集古今石刻千卷仿歐陽集古之例榜其堂曰宛炎蘇東坡爲書之一時名士若晁補之黃庭堅張耒皆爲賦詩哲宗卽位詔求直言一上書不召元祐元年卒著有文集十卷二府拜罷錄二卷大臣家譜二卷續衣冠盛事圖一卷

雞

何頡之初名頡後以字行字斯舉黃州人黃魯直極推重之間姜遵毀漢唐碑為浮圖賦詩曰長安古碑用樂石蠶尾銀鉤擅精密缺訛橫道已足哀況復裁鐫代專臂有如天吳及紫鳳顛倒在衣吁可惜道山清話張商英字天覺蜀州新津人周重寶為察官請毀民間銅器天覺極論其不可恐官司臨迫因而壞及前代古器乃止同上

蔡挺字子政宋城人初為富弼范仲淹客熙寧中官

至樞密副使藏秦朝那告大沈久湫石西溪叢話

金石學錄補 卷之一 七

劉忱字明復洛陽人官直龍圖閣山水師李成筆特

細秀家藏要冊告亞駝石西溪叢話 參畫繼

永興軍某縣尉姓名里貫皆無攷天聖中姜遵知永

興軍詔營浮屠遵毀漢唐碑之堅好者以代專臂時

有一縣尉投書啓具言不可力懇不已至于叩頭流

血道山清話

楊與權藏漢館陶釜文曰河東所造三斗銅鹿釜重

十斤長信館陶家第二續攷 古圖

張愔字才元藏有父癸彝父乙虎彝綏和元年湯官

黃金塗壺舟虎敦父丁鼎同上

王玠字晉玉河南人政和中黃伯思官于洛閱晉玉所藏淳化閣帖有米元章題跋惜其辨證疏略因著法帖刊誤晉玉爲之跋藏有丁舉卣父乙壘持戈卣中卣母乙卣蓋卣虔敦

道山清話參東觀餘論續攷古圖

王康功字師文于太原孟縣得子父丁匱獸面細文

卣于鄴郡亶甲門得乙斗鼎藏有日鼎父乙壘

續攷古圖

祖博字孟廣藏有父乙尊競方父彝上

李宰字元均藏有篆日鼎上

呂岷字子功藏有木鼎上

趙茂曾字承規于永豐之醴泉得大夫始鼎文六十

金石學錄補卷之一

五字藏有鼫鼎文四十七字父丁壺文四字康卣文

十二字上

吳衍字松島藏有王伯齋上

李誠字明仲鄭州管城人大觀中中散大夫知虢州

工篆籀善畫著有古篆說文十卷營造法式二十四

卷藏書數萬卷手鈔者數千卷藏有銅器刻文二十

字

續考古圖參北山小集

真元弼元豐中句容令縣有晉紀穆侯碑石斷爲二

仆于道旁字皆漫滅惟欸尙存文曰晉故僕射散騎

常侍驃騎大將軍開府儀同三司紀穆侯之銘元弼

移置縣宇東軒

至正金陵志

宋敏求字次道趙州人官至龍圖閣學士生平無他嗜好惟沈酣簡牘以為娛樂藏書數萬卷讐校精審著書數十種有寶刻叢章三十卷

宋史參硯北雜志

李復字履中號潏水長安人元豐二年進士官至中大夫集賢殿修撰藏有古銅敦乃周成王時物甘人侵扈命正人出師復扈邦賜有功師氏而作

困學紀聞潏水

丁宏字伯容藏有王子吉金敦舟虔鼎

續攷古圖

楚朝宗藏有王莽建國元年注水匱

同上

金石學錄補卷之一 九

姚雄字毅夫五原人官至檢校司空奉寧軍節度使

諡武憲藏有委厝趙鼎

續攷古圖參宋史

趙仲忽字周臣藏有父癸鼎中姜敦父丁爵母辛甫非鬲伯禾父敦父辛父己二尊伯禾敦文一百十三

字

續攷古圖參宋書錄

趙九成著攷古圖釋

簡史

黃氏撰古器竅字一卷

續史下卷目錄

趙氏撰獲古庵記一卷

同上

安氏洛陽人撰牧敦圖一卷

同上

孫默京兆人藏有邠敦

續攷古圖

牟益字德彰書入能品晚年尤善篆書深究古文嘗取石鼓詛楚鐘鼎等文爲辨證一篇以糾前人釋文之誤

宋書錄卷下

鍾璇字振遠一字叔齊常熟人六歲而孤育於繼祖林通家多書因得縱觀與其孫璟瑗琢同肆業課率先成璟兄弟登第璇遂棄舉子業取所藏書閱之築室梅里閉戶二十年范成大等薦於朝不報年五十

二卒箸有秦漢以來鐘鼎文字藏於家

廬熊蘇州府志

張敦頤字養正徽州婺源人紹興八年進士授南劍州教授紹興三十年左奉議郎充江東安撫使幹辦

金石學錄補

卷之一

干

公事撰六朝事蹟編類分十四門而碑刻一門尤有

資於攷証累官宣州通判知舒衡二州致仕

徽州府志

方楷字敬則號一齋莆田人與劉後村友善酷嗜古

文奇字聞有一善碑一真蹟必高價訪求不得不止

而北碑尤多自嶧山詛楚至隋唐殘碣斷刻積至六

百餘卷

後村大全集卷一百五

李丕緒泰州成紀人以蔭補將作監主簿簽書永興

軍節度判官歷通判同知解州興元府華州累遷司

農卿致仕居官廉靜不爲激矯家多圖書集歷代石

刻爲數百卷藏之

宋史二百九十九

卷一百九十九

王卿月字清叔號醒菴又作醒齋先世居開封父思
正始居台州乾道五年進士累官中書舍人兼直學
士院嘗草胡澹菴制云吾寧身蹈東海惟仲連不肯
帝秦至今名重泰山微相如何以存趙人多稱之歷
知襄陽瀘州廬州官至大府卿紹熙三年卒年五十
五性警敏記誦絕人至於攷辨鼎彝古器游戲翰墨
丹青一一造妙

攻媿集王公墓誌

金石學錄補

卷之一

三

金石學錄補卷二

存齋雜纂之五

歸安陸心源剛甫編

宋

虞仲房善篆隸法尤工家徒四壁藏漢隸刻數千
本心摹手追盡其旨趣同

彭大雅字子文陽人嘉熙進士淳祐三年知重慶
府以漢碑四十六本作橫卷刊于博古堂行極參
豫章書

章綽字子上蘇州人政和四年致仕歸即舍旁築一
堂額曰美蔭聚書萬卷金石刻千卷續吳都
文粹

翟敦仁字靜叔韋城人好古博物逢寶鼎奇器不計
金石學錄補卷之二

家有無倒囊易衣志于必得平居治一室案不留塵
列所蓄藏尊閣而嚴奉之自夏商周秦以來鐘鼎卣

彝鬯爵盤洗琫珌鈎璣仲丁之壺甲父之鼎蟲篆鳥
書隱文逸字粲然畢具客至則導之使觀裴回周覽

躬指而告之曰此某時之物距今若干年此得於某
所冢中此吾脫盛寒之裘而獲者也因道古今制度

沿革歎識真偽皆歷有次第既病不能興猶取置臥
內寤寐對之竹隱畸士集
翟靜叔墓誌

李昭玘字成季鉅野人崇寧初入元祐黨籍嘗以所
藏古器款識晉唐石刻唐人遺書名公墨迹緝爲十

帙名曰燕遊十友而爲之序其跋三代款識曰篆隸
出而正書作正書作而行草興非獨古異以爲奇亦
所變之勢然也字畫之工初盛于魏晉魏晉之間江
左惟逸少尤著世數遼絕散落腐壞之餘出于物數
之幸存口力之必能保者時一見于好事之家良可
貴也昔韓退之作石鼓詩以爲俗書失之姿媚亦至
論也紆徐鮮妍粲然動人無復高古之遺態此恣媚
之過也余故以三代款識爲諸帖之冠

樂靜先
生集

翟汝文字公異潤州丹陽人官參知政事藏金石刻
千卷嘗上疏曰古者班諸侯宗彝使鎮撫其社稷以

金石學錄補

卷之二

一一

世守之爲寶重矣聶崇儀集腐儒之說著三禮圖以
誤後學今商周禮器科斗文字燦然畢出願詔博聞
之士稽正六經考禮于夏商之器正字于鼎彝之間
使六經尊疊犧象之用六書象形科斗之書昭昭炳
煥與六經相表裏以教後人幸甚

忠惠
集

薛季宣字士龍永嘉人于書無所不讀耽玩鐘鼎古
文

攻媿
集

著浪語集有岐陽石鼓記斷爲周宣時刻史

籀所書考核精詳藏商豆一文曰帝欽崇元祀作豆
旅其典神天子永漢尙方劍一文曰陽朔元年二月
甲辰尙方織工臣某作所著欽崇豆記尙方劍記頗

足以資考證

出派語集

莫濟字子齊歸安人紹興十五年進士好奇嗜古乾道初教授會稽謂始皇刻石唐人張守節司馬貞皆嘗援以證史紹興初其舅姚令威寬登山弔古見碑石猶存搜訪尤力有言碑在何山者濟謂何山見于圖經在秦望東南疑其眞秦望也時王十朋簽判紹興括蒼人梁安世次張爲會稽縣尉濟以語十朋十朋告安世安世欣然而行登山見碑石尙存字磨滅已盡墨片紙而還作古風長韵具記始末濟與十朋皆和焉濟詩序云按會稽誦德碑凡二百九十六字

金石學錄補

卷之二

三

視秦世泰山之采諸刻獨此碑字爲最多唐李嗣眞云斯小篆之精古今妙絕秦望諸山及皇帝玉璽猶千鈞強弩萬石洪鐘周越法書苑獨載封禪碑數字而已至歐陽公趙德甫集錄天下金石遺文殆盡亦不復有秦望山碑姚令威紀鵝鼻山頂石屋所插一碑今石屋故在碑亦無有次張所搨片紙指爲秦碑乃在何山其去鵝鼻尤爲隔絕盡記本末以俟後

之君子

宋詩紀事

林師點字詠道號竹邨居士天台人博雅好古遇古帖祕文斷刻墜簡不啻虞簫振耳商彝奪目遠購近

求積餘于卷每一卷入手校讐考訂忘日夜名流如
王厚之桑世昌皆與之交

赤城集竹邨
居士墓誌

洪皓鄱陽人性好古尤能辨別三代鐘鼎彝器見則

必得之而後已

盤洲集

陸游字務觀晚號放翁紹興山陰人嘗于建安公署

集中原及吳蜀漢碑爲十四卷命莆陽方士繇親視

裝裱無一字差謬又嘗至焦山親搗漶鶴銘

汪遼字季路登進士仕至吏部尙書端明殿學士建

集古堂藏奇書祕蹟金石遺文二千卷著淳化閣帖

辨記十卷

宋史汪應辰傳
參紫挑軒雜錄

金石學錄補

卷之二

四

周心大字子充江西廬陵人官至少保左丞相著省

齋文集平園續稿有樊常侍碑跋堯祠碑跋隋西陵

道場碑跋賽山陽文跋李西平神道碑跋顏書杜濟

碑跋獨孤延壽碑跋保母磚志跋均考證甚詳

周益公集

凌萬頃淳祐中撰玉峯志中載碑記三卷搜羅甚備

其凡例云凡碑記見存者書其名不載其文不存者

載其文

玉峯志

晏袤紹熙中爲南鄭令尋獲永平六年鄱君開通褒

斜石刻旣爲之釋文勒于後又題記焉考證詳明不

媿好古之士

董棻字令升道之子也學有原本著廣川家學三十卷紹興中知嚴州撰嚴州圖經每縣之末特列碑碣

一門間附考證嚴州圖經參書錄解題

丁端叔南蘭陵人藏商周以來鼎彝尊鬲等八十有

六樓攻媿爲之跋攻媿集

周應合武甯人自號溪園濶祐間進士官至實錄院

修撰以劾賈似道謫饒州通判景定中撰建康志五

十卷別立石刻一門記述頗詳景定建康志

談鑰字元時吳興人仕至樞密院編修嘉泰中撰吳

興志二十卷有碑碣一卷于漢唐以來碑刻搜羅甚

金石學錄補 卷之二 五

備各註撰書人姓名並立碑年月間附考證亦頗詳

核吳興志

宇文紹奕字卷臣一作袁臣四川廣都人先以承議郎通

判劍州請蠲除本州和糴以寬民力既而民間乏食

親至外縣遍行山谷隨時措置皆有條理汪應辰薦

蜀中人才稱紹奕博雅好古紹熙二年春卽州蒲江

縣上乘院僧治基增築大殿闢地數仞得古竈焉其

封石刻作兩闕狀中有文二十九字云永熹元年二

月十二日蜀郡臨卽漢安鄉安定公乘校官掾王幽

字珍儒奕紹聞之亟命輦致郡齋龕之壁以史堅平

生留意篆刻俾原而釋之守臨邛廣漢有能名卒以
謗黜卒於家著有原隸若干卷臨邛志二十卷補遺

十卷

汪文定集學齋估畢參劍南詩稿桐江續集費著氏族譜

鄭宗聖束髮好古資盡于器技經史探傳記旁羅曲

采于圖書欵識又質之于博雅前輩悠然得之于心

作博古考義數十卷一名一物皆有本據沉潛反覆

老而益勇

北礪文集卷七

李孝美紹聖間人著歷代泉譜十卷

宋史藝文志

張台著錢錄一卷

同上

楊鎮字子仁號中齋嚴州人尙理宗女漢國公主官

金石學錄補

卷之二

六

至駙馬都尉諡端孝喜觀圖史字學張卽之藏有周

方鼎周細文大羊鼎周瓠棧壺商小鼎

困學齋雜錄參書史會要

劉克莊字潛夫興化人家後村因以自號官至尙書

諡文定其友人陳景升遺以歐書邕禪師塔銘闕後

三行十年始爲補足喜而作詩曰端平曾歎闕三行

瀟祐重來爲補亡收拾一碑勞十載此生凡事不須

忙衍極

鄭僑字惠叔號回谿興化人乾道五年狀元淳熙間

使金不屈官參知政事諡忠惠著書衡三篇其畧曰

夫三代銘刻鼎匱古文舊篆或移之上下左右隨體

轉變雖畧有工拙而要以心會其妙非若後世之拘

限也

同上

鄭寅字子敬號肯亭僑之子也官至直寶章閣知漳
州著包蒙七卷謂博古圖所載商卦象占為商之古

文其說甚辨

同上

羅棠字召仲號竹甯海鹽人撰澉水志入卷分十五

門碑記為一門

澉水志

潛說友字君高縉雲人淳熙甲辰進士咸淳中權戶
部尚書知臨安軍撰臨安志末卷為歷代碑刻目

程勤眉山入紹興己卯宰眉山得樊敏敏碑于榛莽中

金石學錄補

卷之二

七

作大屋覆其上額曰復見而記其後

樓錫字子善嘗見徐公競作篆心顧好之下筆輒工
晚更考證說文仍集張氏復古編與鐘鼎遺文從韻

臚分欲為一書

政婉集

董材江西德興人官縉雲縣令家故多書材復篤好

古法書聚漢魏以降金石刻埒歐陽氏集古錄築室

儲之勝曰博古

程洵尊德性齋
集董府君墓誌

褚師秀字雪巖錢唐人宋季天慶觀道士性孤僻以

清行苦節聞至元十四年游顯為浙西宣慰使單騎

從一童至觀請見褚高士觀主王管轄以告師秀拒

之曰我生平不識時貴人欲避而顯已入遂鍵戶與
行廊廡間至雲堂前語顯曰前年有閩州王高士留
此其非其人也長揖竟出其高介如此著有南華真
經義海纂微藏有漢銅虎符編鐘鼎彝諸器所藏古
錢作粉牌綴錢于上下書其文雲煙過眼錄參牧庵
集游顯墓碑遂昌雜
錄浙江
通志

時佐淳熙乙巳官寺丞善小篆書室四壁盡是古器
皆有款識其中一孟鑄寫特精而格制差淺四旁
隱水波中有兩魚其間不爲水紋處有篆文六字曰

富貴昌宜侯王程大昌
演繁露

金石學錄補卷之二

八

岳珂字肅之號倦翁湯陰人居于嘉興鄂武穆王飛
之孫官至戶部侍郎著程史載宋慶元元年五月大
雨盜城山中古冢崩有甓流出字曰晉永寧元年五

月造程
史

徐度字敦立穀熟人南渡後官至吏部侍郎著却掃

編載泰山碑甚詳却掃
編

王銍字性之號雪溪汝陰人著李伯時古器圖跋王
明

清揮
塵錄

張侁寶慶丙戌官句容令紀穆侯碑在榛莽中買石

作跌置易并堂右至正金
陵志

韓澆字仲止號澗泉許昌人寓居湖州著有澗泉日記載隆興法曹任伯厚得二專其一曰晉故尚書譙國桓府君中子泉陵令諱勃字季長墓其一云伯護軍考尚書二府君墓在徐聘君南去此墓七里又載法華人發古冢得晉升平四年周闡字道舒墓塶澗泉

記日

尤表字延之無錫人紹興十八年進士官至吏部尚書諡文簡酷好古刻與王左丞順伯以收儲之富相角皆能辨別真贋嘗謂西漢石刻文自昔好古之士固嘗博采竟不之見如陽朔甄字要亦非真間自新

金石學錄補

卷之二

九

莽惡稱漢德凡有石刻皆令仆而礮之仍嚴其禁畧不容留至于秦碑乃更營覆遂得不毀故至今猶有存者

硯北雜志

俞仲遠紹興十一年官溧水尉得漢潘乾校官碑于固城湖濱置之官舍

至正志

周晉字明叔湖州人密之父也善書體兼虞柳紹定四年宰富陽畧無科擾民稱之爲周佛子酷嗜書籍金石至鬻田以供筆札藏書四萬二千餘卷三代以來金石刻一千五百餘種儲之書種志雅二堂真搜

極討日事校讐

宋書錄參湖錄齊東野語

金

孔元措字夢得孔子五十一世孫撰孔氏祖庭廣記
十二卷載碑刻三卷自兩漢至金碑刻皆錄全文記

載甚詳祖庭廣記

蔡珪字正甫金進士父松年祖靖卽以燕山守降金
者初兩燕王墓在中都東城外海陵廣京城圍基在
內嘗有盜發其墓俗傳六國時燕王及太子丹之墓
及啓壙其東墓之柩題曰燕靈王舊乃高祖子劉建
葬也其西墓乃燕康王劉嘉之葬也珪作兩墓辨據
葬誌銘物欸識甚詳著有續集古錄金石遺文六十

金石學錄補

卷之二

十

卷題跋十卷古器物譜三十卷

金史文藝傳
參中州集

馬定國字子卿荏平人仕至翰林學士作石鼓辨萬
餘言引據傳記斷爲字文周物

黨懷英字世傑金大定十年進士工篆籀當時推爲

第一著有鐘鼎集

韻增廣鐘鼎篆
均序參金史

高德裔字曼卿鶴野人工于爲文字尤有法累官開
州刺史西京路轉運使金章宗明昌中修闕里孔子
廟德裔提控修廟事獲五鳳二年石刻題記于後

集

王庭筠字子端河東人米元章之甥大定十六年進

士自號黃花老人官至翰林院修撰嘗集所見內府及士大夫家墨迹爲古法帖所無者摹刻之爲雪溪

堂帖十卷

元遺山集王黃華摹誌參解緝書學傳授

許古道真河間人性嗜學藏書數千卷金石遺文人

所不能有者往往有之

元遺山集許古道真墓誌

元

柯九思字敬仲善鑒別金石鼎彝之器吳人陸友號稱博物亦歎爲不及

熊朋來字與可豫章人所至考古篆籀文字楊鉤作增廣鐘鼎篆韻朋來爲之序

金石學錄補

卷之二

七

楊桓字武子兗州人至元三十一年拜監察御史有得玉璽者桓辨其文曰受天之命旣壽永昌卽爲文述璽本末著六書統

吳叔字孟思杭州人少好學工翰墨尤精篆籀凡歷代古文歎識制度無不考究得其要妙

劉誠意集

戴侗號合溪永嘉南溪人注季路之甥也列官于朝出典台州父蒙兄仔自相師友著六書故凡分九部其文皆用大篆註用隸書雖不免穿鑿而用功頗深

衍極參

六書攷

楊鉤字信文臨江人著增廣鐘鼎篆韻七卷政和中

王楚作鐘鼎篆韻一卷薛尙功廣之爲七卷鉤又博采金石奇古之迹益以黨世僣集韻補所未備

馮子振序

張古城藏古器物甚多子君寶尤篤好藏商卣有銘

二字梁寅爲之記

石門集

梁寅字石門著石門集有商卣記一編攷古頗精

張鉉字用鼎陝西入學古書院山長撰至正金陵志

立碑碣一門自秦始皇東巡詔起至宋季碑碣搜采

無遺間附考證亦頗精核其于天璽碑移徙鑿損源

流記之尤詳

至正金陵志

鮮于樞字伯機漁陽縣人少爲郡吏至元間以材選

金石學錄補

卷之二

三

爲浙東宣慰司經歷改江浙行省都事每晨出則載筆牘與其長廷爭及日晏歸焚香弄翰取數百年

古鼎彝器陳諸階除搜剔斷文廢款若明日急有所

須而爲之者官至太常寺典簿僑居西湖之斷橋大

德五年卒年五十七藏有商父乙鼎銘曰子父乙商

州師卣銘曰州師錫朋貝用作父丁尊舉冊商父辛

彝銘曰父辛周鄧鼎蓋銘十八字漢尙方鏡一八花

透光鏡一李順甫藏周吉父槃銘一百三十字家人

折其足用爲餅爐伯機見而歸之

戴剡源集參罔學齋雜錄硯北雜志

陳翼字翼甫茶陵人大德中屬羅更翁刻考古圖採

證附于左方而自爲序

童正金陵人官建康路學訓導至順中撰集

于天璽紀功碑諫景宮井石欄題字攷證

詩句容縣西五里石門村有吳故衡陽太守葛府

碑仆田野中至元三年元與友入樊榭仲式觀之

可撫者十一字光賦詩曰甘棠陰裏片雲開馬首雲

山一笑回煩過縣西三四里倩人摸取古碑來樊榭

八洞陸友仁皆有詩

至正金陵志
參硯北雜志

世賢字易之蒙古人後居鄞縣官翰林院編修工詩

著河朔訪古記于金石遺文言之尤悉

金石學錄補 卷之二 三

馮子振字海粟官至集賢待制于書無所不記其序

楊信文鐘鼎篆均曰政觀豐亨豫大時習尙三代緣

是博古所圖之尤物悉集于尙方所至埋椎發冢恬

不之怪靖康北徙器亦併遷全汴季年鐘鼎爲崇宮

殿之玩毀棄無餘獨岐陽石鼓不能爲厲今猶彙京

師夫子廟廷豈歐陽集古千卷之首杲希世之寶耶

米元章自言曾見劉原父所藏周鼎象一器百字刻

迹燦然所謂金石刻文與孔氏上古書相表裏趙仲

忍李公麟收贖如楚鐘刻字遠高秦篆厥可冠方今

言之首云云其于金石源流言之甚詳

鐘鼎篆
韵序

駱天驥字飛卿長安人自號藏齋遺老元貞中

兆路儒學教授撰類編長安志十卷卷十為金石有

石經重立始末記載甚詳類編長安志序

張樞字子長幼聰慧受教于父屏岩先生而外家漁

氏藏書數萬卷金石遺文千餘卷子長取而盡讀之

過目不忘且能通其大意黃文獻集張子長墓誌

杜敬字行簡藏歷代金石刻及古名人墨迹甚富然

為好事者持去亦無所吝

費著撰蜀古器譜廣政十四年彭山縣副將頭楊富

待銅印于江岸六面有文宋崇寧九年知府王古修

金石學錄補卷之二

築殿真觀得鼎彝九建炎初盧法原修築羅城得漢

破羌印一著皆圖而為之說全蜀藝文志

張雨字伯雨號句曲外史藏有梁貞明二年謝崇勛

製塗金舍利匣嘗以周鐘寄趙子昂銑間有文象鼻

之形擊之與夷則合是日適立秋子昂記之以詩松雪

齋集參硯北雜志

羅和齋藏周鳳尊銘曰眾周百乳彝商貫耳彝銘作

形首有冠困學齋雜錄

字震齋藏有召公尊且其鼎尊腹有五指指

字雲州過眼錄

趙伯昂字仁本灤陽人藏有漢羊燈伯彝燈欵曰南宮羊燈又有兩鼎字尤多

雲烟過眼續錄

董頑石藏商百乳彝商山尊商舉鼎銘曰丹商鼎銘

曰柿商觚周壘

困學齋雜錄

吳文貴字和之延陵人大德間人鮮于伯幾作霜鶴

堂成會者十二人和之與焉韜宣和書譜二十卷藏

商右伯盃商饗餐鼎銘象形一字

困學齋雜錄參衍極硯北雜志

劉耀字耀卿山水學馬夏藏商斝商子孫盃商蛟篆

壺銘一字商敦周司空甌漢方壺周大盃

困學齋雜錄圖繪寶鑑

金石學錄補 卷之二

五

李秉彝字仲常世家大都通州潞縣十歲能習古篆

隸至元初官工部尙書兩浙轉運使嘗銘其居曰閑

邪世稱閑邪公藏有方圓二敦

周馳閑邪公傳參困學齋雜錄

李和錢唐貧士也鬻故書爲業尤精于碑刻凡博古

之家所藏必使過目或有贖本求一印識惟邀之酒

食惠以錢則毅然卻之楊瑀藏萬年宮碑有李和鑿

定石刻印識

山居新語輟耕錄

廉希貢字端甫號薌林畏吾人封恆陽文正王希憲

之弟也至元間官浙江行省理問大德中官江東道

治書侍御史後以肅政廉訪使封薊國公致仕藏商

尊一其色如漆五色皆具文曰父已敦二孟一鐸二

漢鏡一文曰田氏作鏡世未有位三公兮凡十字困

齋雜錄參遂昌雜錄雲眼過眼錄

喬簣成字達之號仲山燕人博雅好古所交皆名人

才士山水學李成墨竹學文同元至正中由東曹掾

出使延安厯官祕書郎吏部郎中後由翰林學士出

為東平守藏有正考父鼎周鳳壺周粟紋壺雲烟過眼錄參

困學齋雜錄輟耕錄二十四雪樓集送喬達之守東平序圖繪寶鑑

趙孟頫字子俊吳興人孟頫弟也官劍南州同知雲

過眼錄參藏古銅爵文自火二字雲烟過眼錄愚案自火恐且癸之譌

金石學錄補卷之二

去

張謙字受益濟南人至元中官浙江行省郎中擢祕

書監丞與方虛谷回論文和詩相切磋扁其燕居之

室曰古齋虛谷為作箴題其會清堂詩有彝鼎日玩

弄簡冊日卷舒之句送遷祕監入都詩有科斗字前

尋古器之句藏有周匝商虬月戈周方壺牛彝祖癸

鼎諸器桐江續集參雲烟過眼錄

姚燧字端夫號牧庵營州柳城人後遷洛陽文有西

漢風官至翰林學士承旨諡曰文著有牧庵集五十

卷收古銅器尤多元史參雲烟過眼錄

焦敏中字達卿厯官浙江宣慰使經歷藏有伯彝舉

鼎又一鼎底內款字尤多

雲樞 眼錄參 雜抄

王芑字子慶號井西錢唐人而博覽藏有商鼎

漢方壺漢山龍壺

雲樞 過眼錄 載表 元送王子慶序

王子明義興人家藏三代銘鼎法書名畫冠浙右後

得汴人夾谷郎中所藏尚籀舊藏皆不及至正申寇

起靳黃子明罄所藏埋之地皆中晝夜如牛鳴怪而

出彝寄田家後遭發掘惟彝獨存

輟耕錄 卷一

朱希真洛陽人工書善談名理癖有秦羽陽宮瓦文

曰羽陽干載

硯北 雜志

黃伯玉字石翁廬山道士好學多聞士大夫多與之

金石學錄補

卷之二

七

游嘗有詩云石刻披秦篆銅章驗漢官其好古如此

上同

李處巽字元讓東平人能小篆至元二十年官江南

行臺治書侍御史命教授宋天與徙金陵官治故苑

諸石刻聚路學止善堂中陳景陽宮石欄題字泰山

秦篆譜皆與焉藏有世母辛寅山敦牛敦周盤夔卣

至正金陵志 困學齋 雜錄參書史會要

李好文東叻人元至正中官以西行臺治書侍御史

著長安圖志載咸陽所出漢瓦八口長生無極曰長

生未央曰漢并天下曰儲胥未央曰萬壽無疆曰永

奉無疆曰上林曰楚其謂楚字瓦為秦作六國宮室
于咸陽北廡用其國號頗為有理長安圖志

唐允文武川人蓄古圖畫碑刻金玉彝鼎器物于一

室名曰玩古齋邵亨貞復儒為賦玩古行邵亨貞蟻術詩選


趙大訥字敬叔宋周元徽之後徙居金華之浦江

仕元官至婺州路同知著有金石竹帛遺文宋學士集

金石學錄補

卷之二

六



升云骨... 蘇大... 坐各... 惠食... 牛... 康...

金石學錄補卷三

存齋雜纂之五

歸安陸心源剛甫編

明

陳登字思孝長樂人舉才學爲浮梁丞永樂甲申詔吏部舉能書者儲翰林思孝工篆籀最先至時吳下滕用亨待詔翰林工篆隸自視天下無愈已者且恃春秋高輕後進思孝就用亨言之戾許叔重者十數事相辨難用亨乃始默然不敢自矜思孝于六書本原精攷詳究周秦以來二千年間其石刻有在而委棄山顛水崖者皆深求而必得之雖殘缺剝落歲月

金石學錄補

卷之三

一

名氏無可考審度其某代某人率中七八其收蓄之富歐陽文忠趙明誠之後所僅見也其于金石廣求厚積遇有重複往往以惠友朋編有碑目二卷其論釋山碑翻本云長安第一紹興第二浦江第三應天府第四青社第五蜀中第六鄒縣第七

東里文集陳思孝墓誌參

各跋

楊士奇初名寓以字行泰和人建文初以名儒薦累官少師華蓋殿大學士諡文貞嘗取所得周秦以來篆隸行草之書百二十通粹爲一卷名曰法書志著東里文集三十卷續集九十六卷碑跋甚多可資考

證其跋石鼓文曰右石鼓文十元國子司業潘迪考訂音訓刊附于後在今北京國子監此刻鄭夾漈定爲秦篆歐陽公集古錄疑自宣王共和至宋嘉祐千九百年且文細刻淺理不應得存又疑其自漢以來博古好奇之士皆畧而不道余謂石鼓文決非秦漢以下之人所能所謂文細刻淺者安知當時不深刻歷世久遠則磨滅如此而今文字之存者計裁三之一耳其中不可辨識者又三之一則亦久遠之驗也且三代鐘鼎尙彝之屬前未嘗見稱於世而後來田夫牧子往往出于荒野埋沒之中者代有之矣何獨金石學錄補

卷之三

致疑于石鼓哉其跋華山廟碑曰右漢碑之佳者蓋郭香書漢魏以前碑多不載書刻人氏名此獨詳焉遂因之有聞於今自古賢德君子泯沒無聞於後者何限而有聞無聞亦何足計哉若李德裕位至宰相猶區區附名其顛欲託不朽歐陽公所以譏其近愚也其跋夏承碑曰右漢淳于長夏承碑無書人氏名中書舍人陳登思孝定爲蔡伯喈書字畫特奇古蓋用篆筆也歐陽公集古錄無之趙明誠金石錄云元祐中洛州因治河得此碑于土壤中刻畫完好如新是宜歐公之未得也而近歲廣平府民又因治河得

此碑廣平古洛地蓋不知元祐之後又何時而埋沒也今視漢他碑尙完好物以晦而全固理之常也其跋子廟學記曰右孔子廟學記古隸書碑盛行於今者尊廟受禪及孔子廟學記三碑皆魏人書而尊號受禪世謂出鍾繇梁鵠竟未有適說惟廟學宋人以爲鵠書亦非碑所載蓋漢魏以前士人多能書不爲異也故鮮有著其氏名者後世能書者鮮故必著氏名以自表然凡一代之書必相彷彿論古書之體者考其時代可矣何必拘拘出某人哉其跋吳段石岡紀功德碣曰右吳孫皓天璽元年段石岡紀功德碣八分書相傳出皇象極高古而其文缺壞不可見者已三之一蓋宋元祐中此碣已斷爲三在天禧寺門外時轉運副使胡宗師徙置漕臺今在應天府學又不知何時所徙也考吳志天冊元年吳郡言掘地得銀上有年月字遂改明年爲天璽元年是年鄱陽言歷陽山石文理成二十字云楚九州渚吳九州都揚州土作天子四世治太平始又吳興陽羨山有石室之端又改明年元爲天紀以協石文此碑不見於志考其文有天發神讖等語則亦當時瑞應之事然天紀四年王濬遂入吳矣其跋智永于文曰右石在

西安府學蓋宋大觀三年所刻永嘗書八百本歐陽
文忠公集古金石刻文所得永千文疑其筆法不類
者二百六十餘字意是後人所補遂去之此刻出於
公沒後數十年使其見之當不寘疑也千文所始蓋
梁武帝令殷鐵石於羲之書中搨一千字不重者命
周興嗣次爲韻語以教諸王前志所載如此歐陽公
因見法帖有漢章帝書海鹹河淡百餘字遂謂前世
已有不始於羲之劉後村之說亦然余謂此百餘字
亦出梁以來好事者所集不然自漢至梁其間能書
多矣何以都不聞有一人見之於書而獨章帝哉其
金石學錄補

卷之二

四

跋化度寺碑曰區易醴泉皇甫化度其結體各異或
莊或逸獨化度最爲得中然亦惜其石刻於今最爲
鈔壞也石刻西安府學又跋曰歐陽率更化度帖最
宜學書者師法惜今漫滅不可識者幾半矣鄒汝舟
庶子見惠此本蓋後來杭州明慶寺所翻刻者紙墨
頗佳余去其所不可識而採其可識者表之以爲學
書者之便其跋漢桂陽太守周府君功勳碑曰右碑
漢熹平二年建唐太和三年重刻字雖剝蝕其可辨
識處渾然漢意固在也今在韶州府治先師海桑陳
先生志其本末甚詳其跋漢廬江太守范君碑曰此

碑未有碑額其前後及下皆缺姓氏名字紀年皆不見碑云爲侍御史冀州刺史亦皆不見於史傳或者史之畧也碑在濟寧州學斷裂多矣夾漈鄭漁仲定爲蔡邕書漢碑至雖斷裂訛缺其僅有者無不佳如此碑尤爲難得矣其跋漢郎中鄭固碑曰此碑今在濟寧學中前後無年月其中云延熹元年拜某官文云年四十二則知爲桓靈時所建也但文字磨滅特甚歐陽公集古錄跋尾猶載其中數語今多漫滅不見也其跋漢司隸校尉忠惠魯君碑曰碑在今濟寧州學鄭夾漈定爲蔡邕書已斷爲二文字磨滅不可

讀者殆四之一其跋漢封龍山碑曰右碑在元氏縣漢延熹七年至今千二百餘年石刻雖頗剝蝕而文字尙可尋究碑首云封龍山者北岳之英也其跋晉平西將軍周府君碑曰右碑陸士衡文王逸少書刻石在今常州宜興縣府君諱處義興人義興今宜興也碑後題云唐元和六年義興縣令陳從諫重樹瑯琊承仕榮鐫蓋至唐再翻刻也其跋岳麓寺碑曰余晚喜北海書最後得此而凡前之所得者皆不及也近於中書舍人劉素家見北海秦望山法華寺碑温潤清麗蓋又特出也法華故在紹興府寺及碑皆久

煨甚可惜也又跋曰岳麓寺碑石刻在長沙余前後所得十數本皆紙墨糊塗甚至不可辨識蓋打碑必得善工而湖湘善工猶難遇長沙同知李吉特爲余致此本故視前所得差勝也其跋雲麾將軍碑曰李北海雲麾將軍碑永樂丙申用之在北京以寄余者此碑出良鄉縣北海所書有兩雲麾將軍碑其一在陝西陝西者李思訓良鄉李秀也陝西者書法差勝然余畜北海書獨此及岳麓寺碑耳其紙墨又此碑差勝也其跋陶隱君茅山帖右華陽陶隱君茅山帖後有廬山曹士冕跋顏魯公大駕帖米南宮露筋碑金石學錄補

卷之三

文字皆完皆行書之佳者又有南唐李後主行書望固園賦畧米南宮題十字在後疑皆士冕家所刻者余客武昌時得之湖廣參議吳文家其跋九成宮醴泉銘曰右石刻在西安府麟遊縣缺蝕多矣凡遇平生所得數十餘本此本得於給事中毘陵胡源潔紙墨特勝故獨存也其跋漢泰山都尉孔君碑此碑延熹七年其故吏門人所建視漢他碑稍完宙融之父也見漢書融傳其跋泰山李斯篆曰右泰山石刻李斯篆今可見者惟此四十六字字畫渾厚而結體差長余得之山東僉憲洪遵道嘗見應天府學有石刻

宋劉跋泰山秦篆譜跋自序其畧曰初宋苕公歐陽文忠公得泰山斯刻皆止於五十許字高不過四五尺形制似方非方四面廣狹不等所謂五十許字者在南面稍平故嘗爲人所撫搨其三面皆殘缺蔽闇跋始刮摩垢蝕而撫搨之凡篆字二百二十有二可讀者百四十有六其文起西而而北而東而南西面六行北三行東六行南七行行各十二字其末行制曰可三字復轉在西南稜上總二十二行跋河間人此譜政和中所爲然今人所得泰山斯刻惟止此四十餘字豈其餘今皆已磨滅歟抑復爲垢蝕所蔽而士大夫未嘗親造其處撫搨之工又皆苟且塞責不肯盡力歟故余志跋所說以見大槩云又跋曰右秦二世東行詔書李斯篆其篆甚佳余在兩京廿餘年求之不能得比連得於淇遵道而楮墨亦佳京師四方之所趨也而好古博雅之士皆在其所收蓄周秦以來金石刻皆富然余獨見鄒仲熙高庭禮陳思孝有此刻固其難得如此也又跋曰余旣得泰山秦篆又求得劉跋此譜遂附於後以見秦刻在泰山者其未磨滅蓋不止於今之所傳墨本也應天府學有此譜石刻余得之張士謙云又跋曰考史記所載始皇

東遷頌視劉跋小字譜不同者十字史記臨位跋作
臨立二十跋作廿遠方黎民跋作遠黎休明跋作著
明後世跋作後嗣躬聖跋作躬聽禮順跋作體順後
嗣跋作昆嗣餘皆同鄭文寶及各處嶧山頌皆出徐
鼎臣史記不載其書二世詔史記有之其跋寶晉齋
帖曰無爲州舊有寶晉齋帖石刻余索之久未得蓋
數遇州士子及官干彼者皆云無復存矣今年周恂
如員外奉命督賦無爲因託往問周還以此見遺蓋
石刻在州學今所存惟此廿帖耳皆右軍書又得米
方尺隸書數字良快余意今書學雖廢然安有董治
金石學錄補

卷之三

八

教於斯游學於斯而了不知者世間寶物往往蔽於
庸人俗子如此甚可嘆也其跋漢穀城長張君碑曰
右額蓋中平二年其故吏所立文辭字畫皆古雅在
今東平州學其跋虞恭公碑曰此碑最宜初學者師
法然歲久碑石已缺其下三分之一而字畫甚好今附
於此其跋漢溧陽校官碑曰右碑建於靈帝光和四
年蓋長平人潘乾爲溧陽長興學脩教其承趙勳等
爲建此碑今在溧水縣學字多漫滅不可辨識其跋
白石神君碑曰右未有額蓋靈帝光和六年所建文
多剝落尚可讀而字畫甚佳其跋北京座位帖曰北

京顏魯公座位帖本四幅永樂四年扈從之臣多得之止二幅蓋失其半久矣十一年民有治圃得之者楊學士亟以二紙見遺余并取舊所得於沈民望修撰者通表之遂爲完物譬如延平之劍神物終當復合也其跋孔子廟堂碑曰石刻在西安府學嘗在內府見舊刻本與此迥異蓋歲久碑刻剝蝕失其真也歐陽文忠公童子時得此碑刻畫完好後廿年復得之則已殘缺況今又得三四百年哉其跋右軍書曰此出曹氏星鳳樓帖中不完所存者皆右軍書行書十餘帖草書四帖州民奉橋臨墓田丙舍官奴虞治

金石學錄補

卷之三

九

書裊鮮皆在楷書有樂毅海字本又有全本有東方畫贊無蘭亭序而有宋人題跋數首其跋漢圜令趙君碑曰右碑初平元年立蓋獻帝嗣位初年也在今鄧州南陽縣學中文字磨滅不可見者將半矣其跋漢北海相景君碑曰碑今在濟寧州雖完而字畫漫滅不可讀者多也其跋魏受禪尊號二碑曰右二碑世或以爲梁鵠書或以爲鍾繇不可必而雄麗古雅後之攻隸者必取法焉二碑皆在許州尊號碑其下近跌處皆磨滅不明蓋古碑歷世久遠多如此也其跋洛神賦二帖曰右獻之書洛神賦十三行陳正倫

所贈石刻今在常州而刻手不及又曰洛神舊石刻之佳者今皆不存獨有此在毘陵而刻手甚劣僅存其意耳其跋智永千文曰右真蹟故藏鮮于伯幾家大德中摹刻在松江郡學永書如精金粹玉此刻於規模結構近之論丰采神韻相去甚遠其效龍伯高而未至者歟其跋唐中興頌曰此頌前三十年見有得者字畫多明白而十數年來有得者其模糊率類此豈其石近又剝蝕歟抑打碑者之不善或有善者而余未之見歟其跋蘭亭帖曰此帖石刻今在潁上縣其首題曰唐臨絹本而臨者刻者皆弱余得之廖

金石學錄補

卷之三

子謨又跋曰此福州本余所得多矣獨此有陳膚仲題膚仲三山人晦庵門人張商英兄亦名唐英卒於神宗之世此所稱唐英當別是一人又跋曰近年揚州僧舍發地得二石皆蘭亭舊刻一缺其前一缺其後鹽運使何士英裁齊合之爲一前所存者十八行止猶不二字後存者十行起能不二字兩本肥瘠相近清韻可愛論骨氣當在福州鄭本之次世傳宋思陵駐蹕於揚金人奄至車駕倉猝出避御用物皆不及將所愛蘭亭石刻瘞之而去此豈是耶柴叔興侍郎凡得兩本分一見惠因識其大畧又跋曰此刻今

藏中書舍人胡宜衡家視鄭本微不及視松雪差優
又跋曰右帖得之王時彥詹事王忘所自得亦不究
石刻存否當是唐人所臨豈褚河南之蹟乎此本又
在鄭之下胡之上又跋曰內府所藏刻本有三十餘
家今石刻存者甚少余所見者汝州本紹興本臨江
戲魚臺本福州有鄭清之家舊刻本穎上唐臨絹本
北京太學及蜀中有趙子昂臨本嘗多得之此五本
近一時所得其高下不齊王時彥云蘭亭下者入目
還自有趣殆不虛語又跋曰前翰林檢討王偁得蘭
亭墨本以進文華殿蓋唐人鈎摹者睿旨命刻石間
金石學錄補

卷之三

七

賜大臣及近臣此卷左論德臣士奇所被賜者謹拜
手識而藏之

東里集

案東里集流傳甚罕王蘭泉司寇

輯金石粹編于前人碑跋搜採甚富東里跋僅收一
二想亦未見其書耳洪永宣正之時泰山秦碑存四
十六字雲麾將軍碑未破爲柱礎封龍山碑已有傳
搨華山碑尙無闕佚圍令碑尙在鄧州夏承碑尙在
廣平皆近來金石家所未聞也

劉智安永豐進士始拓封龍山碑以貽楊東里

東里集

梁潛字用之好古博雅見陳思孝所編碑目卽鈔一

本按目訪求

東里集

鄭真字千之鄆縣人研窮六籍旁及百氏洪武四年
鄉試第一授臨淮教諭升廣信府教授以古文著名
與宋濂瑋著榮陽外史集集中有顏魯公中興頌跋
爭坐位跋家廟碑跋多寶塔碑跋柳公權元秘塔銘
跋二重刻司馬溫公碑跋王彥超本廟堂碑跋五白
石神君碑跋秦王告少林石刻跋皇古君碑跋三化
度寺碑跋四虞恭公碑跋博古堂黃庭經樂毅論跋
昭仁寺碑跋四唐人斷碑跋雁塔本褚河南聖教序
跋陝石驛山碑跋西平王李晟碑跋郭太保廟碑跋
雲摩將軍李思訓碑跋武林明慶寺化度禪師碑跋
金石學錄補卷之三
九成宮碑跋六沈傳師書羅池廟碑跋定陶本夫子
廟堂碑跋懷仁聖教序跋李衛公上西岳書跋杜陽
周府君碑跋汝帖跋裴行儉書太原郡王魯國夫人
楊氏墓誌跋吉安本曹娥碑跋魏受禪碑跋上尊碑
碑跋大饗碑跋王枕蘭亭跋索靖月儀石刻跋智永
真州千文跋二夢英篆書偏傍跋華山碑跋歐陽率
更蘭金詩跋袁正己書陰符經跋龐仁顯書護命
淨經跋其跋化度寺碑曰化度寺碑在今平涼
縣丞者得諸蕭寺塔中留秘私室後移

有自陝來言碑爲人竊載軍士爭奪

年據此則化度碑之亡當在明初矣其跋

二爲入法絕類虞世南決爲永興書其跋

曰醴泉銘今在麟遊縣雖磨滅已久而渾厚勁古

氣殆如見其峩冠肅容爲宮僚時也又跋臧九疇所

奇醴泉銘曰字畫雖日就磨滅視江南諸翻刻鋒銳

削露高下居然可見又跋寄兒子復昇本曰醴泉銘

世所盛傳然重模疊刻失真已久據此則九成宮碑

明初覆本甚多矣其跋定陶本廟堂碑云縣有是碑

不詳所自始至正間黃河泛溢碑沒入水中縣尹王

瑤叔璵洩出之視陝刻頗瘦較之錦江石刻則相伯

金石學錄補

卷之三

三

仲云則廟堂碑又有錦江定陶二刻矣又曰夔夔子

山所進金圈兒本今在秘府不可得見據此則元時

廟堂碑原拓有金圈兒本今不知猶在世間否其跋

司馬溫公碑云舊碑高二十餘尺宋崇寧間蔡京當

國黨籍禍興仆碑滅字埋之土中金時有令夏縣者

至公墓所見龜趺覆以高樹羣蜂窠穴其上遂蹤迹

得舊碑掘而出之購得蘇公真迹鋸石爲四段橫刻

之作屋龕置壁間主僧打拓無虛日據此則今所存

司馬溫公碑亦金時覆本非原刻矣此皆近時金石

家所未聞也

榮陽外史集參
嘉靖寧波府志

楊璿字叔機無錫人酷嗜文史殘碑斷碣打搨幾遍
明名臣碑版錄

洪遵道鄒仲熙高庭禮與楊東里同時皆好古博雅
之士收金石刻甚富各藏泰山碑可見者四十六字

東里集

吳寬字原博長洲人成化壬辰廷試第一官至禮部
尙書諡文定著匏庵家藏集七十卷其跋泰山石刻
曰蓋始皇東封有頌至是李斯等奏請刻之其文見
史記曰丞相臣斯臣去疾御史大夫臣德昧死言臣
請具刻詔書刻石因明白矣臣昧死請具刻詔書刻

金石學錄補

卷之三

四

石此作金石刻又夫上缺大字不同其餘滅丞相臣
三字蓋石有四面此其一耳按集古錄本云得之江
鄰幾謂鄰幾嘗自至泰山頂上見其石頑不可刻又
謂旁無草木而野火不及故能久然風雨所剝其存
者纔此數十字及觀金石錄云劉跂亦嘗親見碑四
面有字乃摹得之文雖殘缺然首尾完具不可識者
無幾而秦篆完本復傳世間則所得字不如趙之多
而二說且不同矣吾友徐仲山以工部主事治泉齊
魯間因登泰山摹此遺予蓋去歐趙時又數百年其
所得止此亦其宜也又後數百年磨滅當益多斯之

眞刻傳於世者當益少好古之士宜相與惜之其跋尉氏故吏處士人名曰按金石錄載尉氏令鄭君碑君字季宣聘君之孫年五十有七卒于中平二年餘皆斷裂不成文理亦不知其爲尉氏令特以碑陰人名知之其碑至今益殘缺視此尤甚故不模此刻近歲葉文莊公碑目亦不載集古錄且無而予獨得之蓋非仲山好古不能爲予致之也其跋廬江太守范府君碑額曰按漢書范式字巨卿山陽金鄉人以獨行聞于時所謂與張劭爲死友者式少游太學後舉州茂才四遷荊州刺史卒于廬江太守其碑相傳爲

金石學錄補

卷之三

七

蔡邕書金石錄載其立于魏青龍三年知其非出一手碑已殘缺故不模獨得其額甚完亦可愛也其跋度尙碑曰此漢荊州刺史度侯碑也在沛縣湖陵城牖下僚友董尙矩過其地見而爲予道之適顧崇善工部出理漕渠予因託之加愛護焉崇善欣然旣徙置徐州官廨他日乃搨此本見寄觀之則殘缺已甚獨其額完而首尾有君諱尙字博平與永康元年數字可識耳其餘隱隱皆不成文以其殘缺宋人遂磨而題識其間然亦難識矣若謂此碑初在北陵東郊缺裂仆地有欲徙之者不果旣而大水至衝入于河

或集善水者挽出之始徙于使星亭而嵌其西壁蓋叙其徙置之難如此所謂使星亭不暇訪獨不知此碑何時復在牖下豈其地卽亭之遺址耶夫度侯事具載漢書不假此而傳獨惜古刻之存于世者少若此碑使更歲久將益爲風雨所壞其與頑然片石何異此尙矩崇善之力足爲好古之助而予所欲書者也其跋陳氏甲秀堂帖曰刻于廬山陳氏內有周石鼓文譜秦泰山詔譜并權銘量銘漢鄧騭討羗竹簡隋煬帝序曹子建帖晉王右軍荀侯帖唐歐陽率更顏魯公做右軍帖魯公祭稿懷素帖李太白醉稿白

金石學錄補

卷之三

六

文公詩宋司馬文正公銘蘇東坡手簡黃山谷詩諸刻予少時藏此一日劉廷美僉憲過予家見之借去後劉公沒從其家索之不可得蓋其三子異居裂而分之矣弘治丙辰予居家三子始各持還仍合于一其刻舊亦不完而石亡且久予故尤惜之耳

匏庵集

凌漣初烏程人迪知子也雅好古人圖籍碑版至脫

內子簪珥以購

兪州山人集

程于行好詞翰與古文佳石三代鼎彝之器有吳下

名士風

兪州山人集

李應禎名銜以字行更字貞伯官至太僕少卿長洲

人精識古書畫購揚名賢畫像及金石刻不厭繁劇

吳都文粹續

陸深字子淵號儼山弘治乙丑進士官至詹事華亭人善儼山集九十九卷碑帖題跋甚多藏有商父乙

鼎圖而為之跋

儼山集

李東陽字賓之茶陵人天順八年進士官至戶部尚

書謹身殿大學士諡文正工篆籀著懷麓堂集有碧

落碑跋

懷麓堂集

王直字行儉江西泰和人永樂二年進士正統中為

吏部尚書贈太師諡文端著抑庵集有石鼓文跋足

金石學錄補

卷之二

七

與趙古則之說相發明

抑庵集

祝允明字希哲長洲人與陳暉同輯吳中金石新編

提要

徐焞字與公閩人著筆精八卷有攷證金石十四則

筆精

謝肇淛號在杭閩人撰滇略八卷載南寧縣南十餘

里有爨府君碑此爨碑見著錄之始也

滇略

沈洪字雄仲萬三之後善草隸藏薛尚功鐘鼎款識

真迹二十卷後歸史明古

前意編

王世懋字麟洲太倉人與兄世貞皆以收藏金石書

畫著名江南所藏有唐木虞永興孔子廟堂碑宋本
褚河南孟法師碑宋本泰山碑皆有跋載奉常集

書畫

考

卞衮著有古器銘釋十卷

千頃堂書目

湛若水字元明廣東增城人弘治乙丑進士官至兵

部尚書著有嶽麓書院禹碑釋文一卷

同上

周宏祖編古今書刻四卷載各府州縣書刻並及石

刻

同上

焦竑字弱侯金陵人編欣賞齋碑目二卷

同上

張鳴鳳撰桂勝八卷于石刻題名之類搜探尤詳

提要

金石學錄補

卷之三

六

董斯張字遐周烏程人撰吳興備志三十二卷內金

石徵一卷于兩漢以來金石記載無遺

顧從義字汝和上海人嘉靖庚戌詔選端行善書從

義名第五授中書舍人隆慶初以修國史擢大理評

事篤志摹古又精賞鑒家居購玉泓館所蓄鼎彝壘

廬刀劍匣盤皆三代以前物好購古帖得卽摹勒上

石著有閣帖釋文考異手摹宋本淳化帖縮摹宋榻

石鼓文皆爲世所重

明文海

沈懋孝有石鼓記蔣德璟有石鼓小記均足以資考

證

明文海

周思宸萬曆十五年重摹比干銅盤銘于墓上而題其後

吳炳字彥輝汴人漢淮源廟碑漫漶不可讀杜昭守唐州乃延炳參用漢隸釋書舊文于石而刻之

弁州續稿

朱大韶字象元華亭人由莘莊遷郡城嘉靖二十六年成進士選庶常授檢討冊封襄藩分校禮闈時倭寇起東南大韶以親老乞改南雍遂得司業迎養官舍未幾解仕歸築精舍構文園以友朋文酒爲事性豪俠軒舉晨起登快閣手丹黃點勘異書數葉始就櫛盥應賓客座右陳彝鼎疊洗暇則展法書名畫或

金石學錄補

卷之三

五

著述賦詩客至留連不勝杯酌而喜人飲徹夜無惰容騷人墨卿無不履次於戶者卒年六十一

松江府志

張應文字茂實號被褐先生蘇州人好學無所不通藏書鬲周方鼎周公卣鐘編鐘諸器著清祕藏二

卷論金石頗詳

劉同升字晉卿江西吉水人著有金石寶鑑錄

程福生字梅巖江西玉山人著有金石遺文四卷

金石學錄補卷四

存齋雜纂之

歸安陸心源剛甫編

國朝

李中馥陝西人著石鼓考

陝西通志

潘耒字稼堂吳江人顧亭林門人康熙二十二年薦

舉鴻博授檢討著金石文字記補遺以補亭林所未

備借善堂書冊考及精雅軒文集善本堂書冊考

彭元瑞字雲楣江西南昌人乾隆丁丑進士官至協

辦大學士諡文勤著有恩餘堂三集知聖道齋讀書

跋尾有校官碑跋碧落碑跋溪州銅柱記跋三北宋

金石學錄補卷之四

石經跋銅柱記跋攷證頗精核

徐天柱字擎士德清人乾隆三十四年進士著冬心

存十四卷其自序曰鄭氏金石略詮次無法歐趙二

錄差為詳備洪氏菉錄碑文尤為善本情至黃初而

止耳乙巳之冬舊痾勿藥杜門卻掃取曩時所藏堆

置案上鱗次櫛比每種輒識崖略於後大抵唐以前

咸著於錄宋元以來或因人而存或因書而存凡十

四卷都為一集視歐陽二公所錄未及半然頗有二

公所未見者

湖州府志

查禮字恂叔嘉興人乾隆中由捐納主事官至湖南

巡撫得嘉祐石經周官殘本疏其原委訂其紕繆作
嘉祐石經考二卷沈廷芳爲之序

隱州齋集

金德瑛號檜門休寧人官至左都御史乾隆元年進
士平生手批經史朱墨圍乙者幾千卷有以考訂相
質者爲指摘諸書不先行幅奉

敕修西清古鑑其間鼎彝尊卣各銅器德瑛援據經
史百家文集訂正爲多在山左購求漢唐以下碑版
石刻考究精覈昭跋高簡註者謂不減金石集古兩

錄

忠雅堂集
金公行狀

陳孝泳字虞言江蘇註縣人博雅工篆隸長於鑒別

金石學錄前

卷之四

二

京師公卿交重之乾隆十年

認修西清古鑑求能識古文奇字者參預討論吏部
尚書汪由敦以孝泳名薦入

齋宮校閱昕暮趨直鉤攷審視不爽毫髮旋舉乾隆
十七年順天鄉試西清古鑑成

內廷大臣奏留洪奉

懋勤殿工部尚書裘曰修薦爲國子監學正三遷至
陝西道監察御史擢兵科給事中陞鴻臚少卿同南
書房翰林行走官至光祿寺卿孝泳侍直

內廷凡奏御筆札均篆八分

內廷儲藏法書名畫鐘鼎法物

詔下詞臣審覆者皆得孝泳一言爲定論者謂其考訂之精可與郭恕先黃長睿相伯仲舉孝廉後七試春官不第其謝同南書房翰林行走表云舉頭黃榜昔思成進士之難聯步丹墀今獲從翰林之後一時

稱其雅切

婁縣志

劉錫信元名錫侯直隸通州舉人其跋唐瀛洲景城主簿彭君權殯誌銘曰石一方文爲幽州潞縣尉王諫撰得之潞縣故城北故城在通州潞河東八里土人呼曰古城元默敦牂州大水水退而古城北露出

金石學錄補

卷之四

三

此石子旣得唐李丕墓誌因并購之誌云季弟長源迎神葬于古漁陽北采責里之原考水經注潞縣故城爲東漢漁陽城郡治誌與酈注合詳見子潞縣故城考誌載彭君世系頗悉惟不詳其郡邑第云廣德中有季父仕于恆因省遇亂來遊幽薊則況非潞人也又云太尉遂寧王司徒義陽公魯衛更榮秉旄此府君嘗儒服曳裾燕語東閣況蓋盧龍使府賓佐又云無何張惟岳以恆趙叛有詔司徒討逆考唐書朱泚傳拜盧龍節度封懷寧郡王徙王遂寧進拜太尉又朱滔傳云泚入朝以滔權知留後李惟岳拒命滔

與成德張孝忠再破之東鹿進檢校司徒遂領節度
誌所謂魯衛更榮乘旄此府者泚與滔也惟義陽公
之封滔本傳失載此誌固可補史之缺矣又考唐書
紀傳均作李惟岳此誌稱張者以惟岳父寶臣元名
張忠志賜姓李氏也當日或因惟岳拒命削除國姓
仍稱張氏未可知也後泚滔皆不終臣節滔之逆命
在建中三年四月涇原之亂在四年十月彭君卒于
建中二年十一月固無可訾議耳至若東漢漁陽郡
治潞後漢書地理諸家俱無可考僅見于水經注然
此誌未出土以前讀鄙注亦不知所指何地也王諫

金石學錄補

卷之四

四

生唐中葉後圖經諸書必猶有存者爰正其名爲古
漁陽城令于載下因端竟委古蹟賴以不湮其文有

本原如此

通州志

徐松字星伯大興人嘉慶中官翰林院編修著西域
水道記于漢唐以來碑刻皆錄全文並記尺寸于燉
煌縣搜得漢沙南侯碑唐索勳碑李氏修功德二碑
皆著錄家所未見者

趙希璜長寧人官河南安陽縣知縣與武虛谷億同
撰安陽金石錄

袁三綱袁五常安陽人嘉慶中于清涼山修定寺尋

得唐宋金元石刻十種趙希璜刊入安陽金石錄補遺

李宗瀚字公博一字春湖江西臨川人乾隆五十八年進士官至工部左侍郎宗瀚無他嗜好癖嗜金石文字所藏多名搨築湖東樓貯之桂林山水奇秀巖壁間多唐宋人手蹟登椒窮邃塵滓嗟玩手自拓殆遍又嘗得元康里氏所藏唐搨廟堂碑及唐搨化度寺碑皆親自鈎摹上石均極神妙

南村草堂集李公行狀

張端木字崑喬上海人乾隆壬戌進士官諸暨縣知縣箸錢錄十二卷

金石學錄補

卷之四

五

方嵩年著錢譜十卷

萬光煒字子昭無錫人著古金錄四卷

陳萊孝字誰園著歷代鐘官圖經卷一古刀布卷二至卷七歷代正品附僞品而以外國錢終焉

宋振譽字葑川著續泉志八卷計五百八十餘圖以補洪氏之書子慶凝字愚村撰續泉志補

金忠清字古迹休甯人又號硯雲德瑛子也著古錢錄四卷

孟超然字朝舉又字瓶庵福建閩縣人乾隆庚辰進士官至吏部考功司郎中著有瓶庵居士文鈔第四

卷皆碑跋頗足資攷證

吳穎芳字西林號臨江鄉人仁和人一赴童子試爲役隸所呵自是不復應博覽羣籍務爲專一之學嘗怪鄭氏夾漈之著書務與先儒爲難于是取二十略中之六書七音樂略一一尊先儒而探其源成吹幽錄五十卷說文理董四十卷音韻詩論四卷文字源流六卷金石文釋六卷

春融堂集

王念孫字懷祖江蘇高郵人乾隆四十年進士博通聲音訓詁之學尤精于校讎一字之徵博及萬卷所著讀書雜誌八十卷末爲漢隸拾遺凡宋以後諸家所已及者略之有其字而未之及與誤指爲他字者補之凡二十五事旁徵博引精確不磨

金石學錄補

卷之四

六

馮敏昌字魚山廣東欽州人乾隆戊戌進士由庶吉士改官戶部主事撰孟縣志十卷內金石三卷殘碑斷碣靡不冥搜細考論者以爲有歐趙二錄之遺意

焉

孟縣志序

趙曾號北嵐山東萊陽人乾隆己酉舉人嗜金石所得漢人碑版拓本甚富自署爲百漢碑齋在嘉定時與錢竹汀宮詹及其從孫獻之州佐交遊甚密州佐故多吉金貞石之儲及病一以歸曾故于金石收藏

爲最富其在荆溪也公務雜沓中登祝陵訪吳孫皓封禪碑手搨其文又修石亭覆之以庇風雨勒銘善

權寺壁

陳文述頤道堂文鈔

郭尙先字元間又字蘭石福建莆田縣人嘉慶己巳進士官至大理寺卿長于書法鑒別精審鑑賞家非得尙先書不爲貴著芳堅館題跋

杜春生字禾子山陰人嘉慶丁卯舉人漢建初買地券爲浙江最古之石久埋苔蘚中僅見大吉二字與錢字土人遂傳爲錢武肅王微時販鹽遇官兵逃避石室中所題明人漫不加考據以入郡志春生始搜

金石學錄補

卷之四

七

得之嘗集紹興府屬八邑古刻爲越中金石記吳榮

光爲之序

石雲山人集

陳文述字雲伯杭州人著頤道堂文鈔晉孫夫人碑跋唐温佶神道碑跋考證詳明有神史學所著西嶽華山碑考于長垣王文蓀四明豐熙關中王山史三本皆嘗寓目序述尤詳

趙紹祖號琴士安徽涇縣人廩貢生署滁州訓導道光元年保舉孝廉方正著有金石跋四卷金石文鈔

十卷

安徽通志

林喬蔭侯官人乾隆舉人著福州石塔碑刻記

福建通志

鄭燕侯官貢生著唐陳觀察墓誌考據碑辨證薛史及八閩通志之譌

福建通志

李鴻瑞侯官人嘉慶戊午舉人官高淳知縣著校官

碑考一卷

同上

段嘉謨號襄亭偃師人嘉道間宰武功輯武功所有碑碣及家藏銅器爲金石一隅錄首載嘉慶二十四年邑人掘土所得北周驃騎將軍鞏賓墓志又于學宮廢碑中收獲李北海書任令則碑以長安市上收得唐吳達墓誌置之縣署皆自來金石書所未載者

金石一隅錄

金石學錄補

卷之四

八

徐宗幹字樹人通州人道光中知濟寧州與汪孟慈喜孫許印林瀚楊石卿鐸撰濟州金石志八卷凡金鄉魚台嘉祥三縣所有金石椎搨殆遍官至福建巡撫

車持謙字子尊上元諸生長于史學著金石叢話

同上

上江兩縣志

陸耀遙字邵文武進人官淮安府學教授酷嗜金石文字隨所至披輯摹拓小暇矻矻伏案考記所得過

王侍郎金石粹編者幾半卓然可傳于世

養一齋集陸邵文傳

沈濤字匏廬嘉興人道光中官直隸正定府知府訪

獲古碑二百五十餘種其中爲前人所未見者十之五六鈎摘參稽成常山貞石志二十四卷

朱士端字銓甫江蘇寶應縣舉人官廣德州訓導著有彊識編說文疏證宜祿堂金石記

許瀚字印林山東日照人精于考古尤嗜金石道光丙午得漢畫像于山東沂州府一石畫一人對次一人仰面形阮文達審爲伏生傳尙書圖一石畫一鳳形八分書鳳皇二字一石畫一鳳形八分書二行文曰三日七日風又一行曰東安王欽元又一小石刻一元字著有別雅訂四卷永建五年孝山堂食堂題金石學錄補卷之四

字釋文格伯敦考

釋

九

王楠字任堂居吳江之盛澤好古而善聚自周秦籀器下至歷代石刻間世有精善者必羅而致之話兩樓故話兩樓金石之名頗著編有話兩樓碑目考證亦精

翟雲升字文泉山東人著隸篇四十五卷衡方碑陰向來未見著錄隸篇錄其文頗詳

馬邦玉山東魚台人嘉慶二十一年獲楊叔恭殘碑四石移置家塾其跋足資攷證

陳宗彝原名秋濤字雪峯江甯諸生嗜金石古籍所

手拓及校刊之書甚多著有重編金石文跋重編訪
碑錄鐘鼎古器錄古磚文錄漢石經殘字攷蜀石經
殘字攷

同治上江
丙縣志

張寶德字容園舉孝茂方正著有鐵硯齋雙鈞石刻
文字以司徒劉愷碑爲最工

同上

朱緒曾字述之上元人弱冠舉於鄉以浙江知縣用
洵升知府著作甚富於爾雅用功尤深著有續文鑑
中論注論語義證金陵舊聞金陵詩匯等書金石文
字記一卷于曹真碑天發神讖碑考證尤精

同上

甘熙字實庵江甯人類聚古今人題詠金石者爲金

金石學錄補

卷之四

十

石題詠彙編四十六卷

同上

陳暘上元人著鐘鼎考

同上

姚際恆安徽人著金石僞書攷

安徽
通志

方城梧桐城人著金華金石文字記

同上

巴樹穀婺源人著蟬藻閣金石文字記

同上

楊芳荀懷遠舉人著金石考

同上

鮑桂孫徽州人著石鼓文考

同上

沈巍皆字舜卿安徽六安州人進士官御史集金石

二千餘通續王氏之書名曰續金石粹編

同上

胡匡憲字懋中績溪廩生博通諸經工詩文著石經

詳考四卷

同

劉寶楠字楚卿寶應人究心漢學官元氏縣搜獲古

碑甚多以錢唐梁氏玉繩志銘廣例吳江郭氏麐金

石例補舉例甚略嘉興馮氏登府金石綜例雖較梁

郭差備而疏略亦多乃本朱氏彝尊之意以東京爲

主傳以經術加之博證爲漢石例六卷

漢石例序

李宗昉字芝齡官至左都御史江蘇山陽人著金石

存十五卷

柏峴山房集

藏有周棘生敦商執戈鼎漢光和

程學金字式如婺源人官戶部主事著金石紀聞

安徽

金石學錄補

卷之四

十一

通志

牟農字星房棲霞人跋鄭固碑云山左金石志謂瑤

琦當是鄭君二子之名蓋其弟從兄子之請而爲此

銘也則是以延字爲請銘之辭文義牽強且漢人從

無其子請銘之例琦瑤當是三人列名皆郎中之弟

又跋鄭季宣碑云按此碑及鄭固碑皆不著其貫蓋

當時之族望也二碑並在州學所出之地雖不可考

要其相去不遠皆任城人也以二碑證季宣當是郎

中鄭固之弟于序爲季名延字季宣也郎中碑云琦

瑤延當是三人列名郎中兄弟四人長名固字伯堅

仲名琦叔名瑤延字季宣小尔正延散也左傳卽宣其氣杜注宣散也名延字季宣義亦協固生元初之初季生于永建四年固卒宣已三十餘矣固之銘辭蓋卽季宣所作固碑云著君之子此云聘君之孫按後漢書鄭均傳云東平任城人建初六年公車特徵再遷尙書拜議郎告歸疑聘君卽指均也漢人最重公車特徵卽歷官不顯仍謂之聘君均之子名英東觀記云均遣子英奉章詣闕其卽爲著令者歟馬星垣字鐵橋魚台人道光十九年訪得永建五年刻石于兩城王鳳林家移至魯橋藏于家著有漢碑

金石學錄補

卷之四

三

錄文考證甚詳
王某字中峰著有濟南金石志八卷
翁大年字叔均廣平子也承其家學篤嗜金石攷據工篆刻交游遍大江南北不輕于謁其所撰金石文字甚具古官印志八卷古兵符考八卷泥封考三卷陶齋金石考二卷陶齋印譜二卷瞿氏印考辨證一卷秦漢印型二卷舊館壇碑攷二卷其所校舊館壇碑攷尤爲精力所注論定宋元明今五十餘家之訛瞿中溶序之以爲可補歐陽集古錄之缺訂亭林金石記之譌云

汪士祝江蘇無錫人進士嘉慶十四年知四川雙流縣事修雙流縣志金石潤載梁新德三年福田寺碑全文孟蜀內侍殘碑爲諸書所未見

王椿源字介屏山西靈石縣人道光己酉宰渠縣馮煥神道沈君神道皆建亭覆之以蔽風雨著有嵐溪

詩鈔死木果木之難贈太僕卿

同治渠縣志

萬承紀字廉山江西南昌人副貢生嘉慶初由軍功起家知縣官至海防同知署淮揚道篆法似李陽冰畫入北宋之室癖好金石嘗以所藏漢魏碑縮臨刻于端石硯之背凡百種名百漢碑硯鉤摹極精過于

金石學錄補

卷之四

三

褚千峯金石經眼錄

頤道堂集

陳受笙字敬安海甯人嘉慶庚午舉人精于鑒古及金石之學書畫俱入能品客遊粵東最久卒年五十手拓漢唐古鏡銘識及全形辨釋之爲鏡史三卷關中金石志二卷又有客秦隨筆六卷古今奇姓名錄

四卷松籟閣詩鈔十八卷

海昌備志

錢馥字廣伯號綠窗又號幔齋布衣著有集古鐘鼎

千文一卷

全上

徐鼎字恭三號庚笙海甯州廩生彙鈔前人題詠金石之詩爲吉金貞石詩鈔

全上

楊栩字書巖山東益都人與桂未谷郝蘭臯交善以
樸學著稱著有徒建北齊臨淮王碑記書巖
贖稿

李載春字和軒江西鄱陽人嘉慶中知山東濟南府

重建北齊臨淮王碑于文昌祠下全上

程文榮字蘭川號南邨嘉興楓涇人入貲爲江蘇候

補理問好金石藏有舊館壇碑著帖攷

貝墉蘇州人聚金石千餘通葺千墨庵儲之彭甘亭

有詩

翁樹培字宜泉大興人方綱子嘉慶癸未進士官至

刑部員外專愛古錢積數十年不倦箸古錢策攷八

金石學錄補

卷之四

古

卷

董桂科字蔚雲婺源人道光癸未進士著石經攷一

卷

馮鵬字晏海南通州人酷嗜金石文字見收藏家銅

器有款識者輒繪錄之取三代至元鐘鼎戈戟度量

鏡盤璽印泉刀之類爲金索六卷碣碑磚瓦之類爲

石索六卷皆圖其形而摹其文鉤勒頗精

葉紉之好金石計前後所獲出于王少司寇粹編之

外不少取六朝至五季誌銘造像題名等裝演成冊

手定目次共一百五十餘種而凡豐碑大字皆不與

焉思適齋集

李彥樂字蘭卿福建侯官人翁方綱門人官至廣西

按察使收藏漢魏以來石刻拓本二千餘通著有榕園文鈔中多碑跋考廖州智誠洞碑最詳

周世熊字清泉餘姚人官光祿寺署正所居客星山多出古磚皆收藏嵌壁間咸豐壬子訪得漢三老碑爲海內東京石刻之冠築亭度之并攷碑稱掾諱忽字子儀者爲董子儀自爲跋記得碑緣起甚詳

包世臣字慎伯涇縣人所著藝舟雙楫表章北碑甚力

金石學錄補

卷之四

五

洪頤煊字筠軒台州臨海人孫星衍門人嘉慶十六年館于星衍糧道署中取平津館所藏碑讀之前人題跋有所未盡者輒跋于左成平津館讀碑記後又益自得各碑成績記一卷再續一卷三續二卷

嚴觀字子進江甯人著江甯金石記

吳榮光字伯榮號荷屋廣東南海人官至湖南巡撫藏辛舉卣祖乙鼎姬彝蜚笫尊太史盧父己彝兵史

鼎碑版二千餘通著筠清館金石記石雲山人集

熊象階潛山人官濬縣知縣著濬縣金石錄

夏之盛字松如藏商祖癸卣周矩尊周雷甗周臣廟

彝周大蒐鼎

寶鼎

徐楸字問渠錢唐人藏商父癸爵周應公鼎

李璋煜字方赤山東諸城人進士道光中累官揚州知府

薦升布政使藏商父癸爵兕形父乙舉漢大梁鼎

墨世瑛肅山人藏商藏觶周罍豆小子御敦蘇公敦周罍

黃安濤字霽青嘉善人工詩文歷官江西廣信廣東

潮州府知府著有開益齋息耕草堂詩文集藏彙作

敦收入筠清館金石記

姚晏字聖常歸安人文僖公文田子歷官部郎中

藏周羨史尊著中州金石目四卷

筠清館金石記

金石學錄補

卷之四

夫

韓克約字芸舫介休人官至巡撫藏周於鼎於彝

同上

沈欽韓字文起號小宛蘇州木瀆鎮人嘉慶十二年

舉人官甯國縣教諭著兩漢書疏證七十四卷左傳

補注十二卷考異十卷三國注補訓故八卷辨地理

八卷水經注疏證四十卷昌黎集補注四十卷幼學

堂詩集十七卷文集八卷文集之末附駁金石粹編

二十餘條皆極精核

陳慶鏞字乾翔別署頌南福建晉江人道光壬辰進

士由庶吉士改戶部主事歷官工科給事中道光中

疏請申明刑賞指斥貴近得

旨嘉納有抗直敢言之褻時與臨桂朱琦高要蘇廷魁有三御史之目生平摯精漢學而服膺宋儒嘗懸一聯曰六經宗許鄭百行學程朱著有齊侯壘通釋二卷籀經堂類纂二十四卷集中有鐘鼎考釋二十二篇攷訂甚精

丁晏字儉卿山陽人著有北宋汴學篆隸二體石經記一卷

黃本驥字虎癡湖南長沙人著古誌石華隋唐石刻拾遺金石粹編補目

吳蘭修字石華廣東嘉應州人著南漢金石記

金石學錄補 卷之四

夏寶高郵人著山右金石錄

魏本唐字又瓶福建侯官人官上杭教諭道光中陳壽祺總纂福建通志本唐分修金石一門訂正甚多謝道存著漢魏石刻記存

吳式芬字子苾號誦孫山東海豐人道光甲午進士官至內閣學士酷好金石文字就寰宇訪碑錄補其未備刪其訛複增入三代秦漢以來吉金各注某氏家藏如孫錄收甄瓦之例惟不載璽印泉幣鏡銘只載有年月者孫錄未詳碑額亦並補之書約十六卷名曰攬古錄又復薈萃金石目錄分州縣編之其存

者則列爲己見未見者則注明見某書列爲待訪凡古今金石諸書無不備探復取歷代史籍及諸家文集說部以益之墓誌以曾出土著錄者爲斷而不采文集鐘鼎甌瓦流傳本無定所亦不收載地里未詳者別附於後以俟參攷名金石彙目分編約四十卷於欵識古文研究六書多所攷釋於穹碑巨著缺文誤字博訪舊本多所補正皆散見所蓄金文冊子及手校金石各書近時關中漢泥封出土綦多謂足明兩京制度訂史冊沿譌裒集搨本據漢志編次加以攷證成一卷

述行

金石學錄補

卷之四

七

劉師陸字青園又字子敬山西洪洞人嘉慶庚辰進士官至霸昌道著虞夏贖金釋文一卷謂安邑當緩等布爲上古贖罪之金

蔡雲字鐵耕元和人著癖談一卷論刀幣圜法頗能獨抒己見

張崇懿字麗瀛雲間人箸錢志新編二十卷

馬昂字昂伯華亭人著貨布文字考四卷

初尙齡萊陽人字涓園著吉金所見錄十五卷

戴熙字醴士箸古泉叢話四卷

金錫鬯字蒨穀仁和人著晴韻館古泉述記

李佐賢字竹朋山東利津人官至汀州府知府所藏
刀布至二千餘品藏拓本五千餘品著古錢匯六十
四卷分元亨利貞四集元△爲古布亭△爲古刀利
△爲圖法正品貞△爲雜泉異品

鮑庸字子年歙縣人官至夔州府知府著觀古閣泉
說

毛式玉字伊人山東掖縣人乾隆十九年進士官翰
林院檢討嗜金石刻以翰林歸田日嘗騎驢裹糧入
天柱山徧拓元魏高齊碑道旁觀者不知其爲貴人

也

潛學堂集
毛君墓誌

金石學錄補

卷之四

尤

陳樹華字芳林江蘇元和人著春秋內外傳攷證其
字畫悉依唐石經

錢泰吉字警石海鹽人博學好古精于辭讎著甘泉
鄉人稿碑跋二卷頗足以資攷證

劉永松字筠川福建侯官人輯烏石山志詳於石刻
韓崇字履卿元和人著江左石刻文編寶鐵齋金石
跋尾

顧沅字湘舟長洲人藏書畫碑帖甚富宋拓夏承碑
尤爲世間希有之本著吳中金石志

沈復燦字霞西山陰人隱于書肆究心古學山陰杜

禾子輯越中金石記霞西實左右之而遺文古蹟爲前記所略者裒積自成一編曰越中金石廣記

躬恥齋集

曹載奎號秋舫居蘇州盤門汲水橋性嗜古鑒別頗精資銅玉石無所不好而于金尤甚以所藏鐘鼎尊彝敦匱之屬五十九事刻之于石名曰懷米山房金石圖圖其形象摹其款識注明尺寸鉤勒頗精

方可中江陰碑工勤于訪古趙之謙撰續寰宇訪碑錄可中爲之搜訪居多

劉位坦字寬夫大興人深于金石之學子銓福字子重亦世其學

金石學錄補

卷之四

三

莫友芝字子偲自號邵亭晚號瞿叟貴州獨山州人道光辛卯舉人於蒼雅訓詁六經名物制度靡所不探討旁及金石目錄家之說尤究極其奧竅所爲詩雜文皆出于人又工眞行篆隸書求者肩相摩于門墓誌所著金石筆識附刻宋元舊本書經眼錄之後其蕭澹碑釋文多出金石粹編一千二百二十字尤爲精確

呂佺孫字堯仙常州武進人道光丙申進士官至福建巡撫酷嗜金石收藏三代以來錢布略備秦漢銅印千餘方古鏡百餘著有運甃軒錢譜四十卷金石

存考二卷嘗以所得古磚搨其文字及其旁側所繪藻飾爲按代以釋其時著其長短尺度詳其所得之地並委曲盡其字文所不可通者積成三四巨冊名曰古磚錄李兆洛爲之跋
程慶餘字心齋烏程人究心六書金石之學而文筆艱滯坐是久困童子試不得售嘗欲爲續金石粹編未成同治元年死于難

方朔字小東安徽懷甯人著枕經堂金石題跋

馮承輝字少眉松江人以所藏三代至宋盤敦鼎鑑戈鏡刀布磚瓦之屬有文字可資考證者摹圖上版

金石學錄補

卷之四

三

爲金石薈一卷

沈樹鏞字韵初南匯人咸豐己未舉人家饒于貲幼卽好名人書畫不惜重值嘗得董北苑真迹懸其室曰寶董樓兵燹之後家中落專意碑刻所藏劉熊碑漢石經皆世間希有之本近年以來大江南北收藏碑帖之富無以比焉

何慶恩字凱堂廣西人同治三年以四川彰明縣署梁縣事重修縣志于金石一門考證頗詳志稱馮煥墓在梁縣北六十里土溪場側之趙家坪尙存三石闕每闕隔里許高丈餘廣約四尺厚二尺有奇上刻

朱雀下刻龜蛇旁刻人物花草兩闕字跡摩滅其一
文云故尙書侍郎河南京令豫州幽州刺史馮君神
道又載沈君神道二闕在梁縣北八十里之巖峯場
側舊名燕家場

丁彥臣字筱農浙江歸安人歷署山東督糧道性喜
金石篆隸藏有伯卿鼎兮仲敦伯癸彝祖辛鼎匿尊
旅伯剛卣井季卣伯魚卣井戾盃伯玫盃魯伯哲鬲
周宮壺卽墨刀範諸器

吳雲署平齋晚號退樓歸安人歷署蘇州府知府篤
學攷古至老不疲攷訂金石文字稿有依據一字之

金石學錄補

卷之四

三

疑窮日夜討索不置儀徵阮氏嘉興張氏蘇州曹氏
藏吉金爲東南最亂後散失往往于市肆中物色得
之不惜解衣質買人以比之王元美云著有兩壘軒
彝器圖釋十二卷古銅印存十二卷古官印考六卷
攷印漫存九卷焦山志十六卷號季子盤攷漢建安
弩機攷虞溫公碑攷華山碑攷各一卷

述行

許宗寅字吾田安徽舉人著書頗富于地理水道稽
核尤精道光乙巳尋得遼重熙五年碑檢校司空撰
文金大定二年碑河中張瓚撰文碑陰載金大定二

年勅

稿經
堂集

曹籀字葛民仁和諸生與趙之謙同治金石之學

趙之謙字撝叔會稽人咸豐己未舉人官江西鄱陽知縣工書畫尤長篆隸著有補寰宇訪碑錄

溫忠善字元長山西太谷人官刑部主事酷嗜金石藏碑之高與江蘇沈韵初埒

樊彬字文卿大興人好藏碑刻陳立行墓誌據甲子四周歲在丁丑二語攷爲大中十一年

王國均字侶樵直隸滄州諸生著滄州金石志藏有東魏龍驤將軍王僧墓誌

補寰宇訪碑錄

趙良灝涇縣人著涇川金石記

金石學錄補

卷之四

三

陳介祺字壽卿號篔齋山東濰縣人官至翰林院編修收藏金石之富甲于海內彝器至數百件尤著者爲毛公鼎文七百餘字爲天下金器之冠三代沙器數百件周印數十方漢印萬餘秦詔版十餘魏晉六朝造像數百自來收藏家所未有也

魏錫曾字稼孫仁和人諸生納貲爲福建浦南場鹽課大使雖處微僚狷介自守惟以金石自娛藏碑極富粹編所未收者計二千餘通著績敵堂碑錄攷訂頗精

陸增祥字莘農太倉州人官翰林院修撰著有八瓊

室金石補正藏魏晉博三百餘

汪鋈字硯山儀徵人王詩善畫尤邃于金石箸十二硯齋金石過眼錄十二卷足補粹編之遺

宋祖駿長洲人同治庚午權知東平州衍漢無鹽太守殘石于州之蘆泉山陽土阜中移立學宮明倫堂

湯璫字子厚無錫人博覽強記精研金石之學常佐沈匏廬壽纂常山貞石志

無事爲福齋筆記

韓泰華字小亭仁和人道光中官四川潼川府知府搜得武成三年經幢移置琴泉寺著有無事爲福齋筆記攷證金石者居多

金石學錄補

卷之四

語

邊浴禮字袖石任邗人常佐沈匏廬撰常山貞石志段錫由字筠坡南樂人常佐沈匏廬撰常山貞石志

常山貞石志序

張穆字石洲號身齋山西平定州人優貢生通經史精篆籀道光己酉卒年四十五著有魏延昌地形志蒙古遊牧記身齋詩文集文集有金石跋十三首考

證甚精

身齋集

程洪溥字木庵安徽歙縣人藏三代以來銅器甚富竟甯雁足鐙其尤著者

身齋集

何達受字六舟海甯人既工于摹拓又善刷別古銅

器欵識嘗游黃山爲程木庵別竟甯雁足鐙自厲樊榭翁覃溪以來所疑爲殘蝕漫漶者一旦軒豁紙上纖毫畢見因作剔鐙圖徵海內詩人歌詠之

身齋集

徐熒鈞常州陽湖人官陝西鳳翔知縣得號季子盤于民間重今權四百七十餘斤自古重器無若斯之

巨者

同上

俞燮字理初歙縣人著癸巳類彙據秘書李彪傳禮田岐陽句定石鼓爲魏太武時物

倪模字迂存號非瓶安徽望江人嘉慶己未進士留心金石之學尤嗜古泉著古今泉略三十二卷

金石學錄補

卷之四

三

王家齊浙江金華人官廣東鹽場大使集金華縣屬金石八十六種爲金華金石志二卷

方履錢字彥聞嘉慶二十二年舉人署福建閩縣知縣有政聲年四十二卒于官讀書能貫其源流尤酷嗜金石文字所積幾萬種多金石萃編寰宇訪碑錄所未載編爲富衡齋碑目六卷箸河內縣志二十卷武陟縣志二十卷游伊闕時居山中匝月編搜石刻得唐以前造像題名多至八百餘種箸伊闕仿碑錄

三卷

光緒順天府志

楊翰字伯飛號息柯順天宛平人道光二十二年進

土宮至辰沅永道工書善畫酷好金石文字官永州時浯溪石刻搜剔無遺如元結右堂銘盧均題名皆前人所未見同治壬申罷官游粵西得大厯平蠻頌諸碑箸粵西得碑記一卷

同上

李光庭順天人箸吉金志畧四卷前一卷專錄錢幣

後二卷錄及鼎彝鐘鐸之類

同上

馬恕道光丁亥官洛陽縣知縣集縣中石刻自魏至宋六十八種建存古閣儲之吏暇次第搜訪自晉至宋得碑一千三百餘種

吳汝綸道光中知冀州訪得北齊天統四年楊奴造

金石學錄補

卷之四

美

象記唐馬君起暨妻劉氏造石浮圖頌

鄧嘉緝撰上谷訪古記于易州石刻搜訪甚詳

直隸新通志

陳詩字愚谷湖北蘄州人乾隆戊戌進士授工部主

事台養歸不出道光丙戌卒箸湖北金石存佚攷二

十二卷四書類攷三十卷人名攷二十卷六律正五

音攷四卷竹書記年集註二卷

黃州府志

田溥光字季華原名普實江都人監生通小學工詩

金石碑版考訂無僞箸有揚州金石志金石話目耕

齋筆記漢學堂詩文集

光緒揚州續志

毛瀚揚州人箸有荊花言

正金石錄

甘揚聲字敬符江西崇仁人著有金石碎跋十二卷
漢隸異同十二卷

王朝架字達淦江西萬年人著有唐石經考正

金石學錄補

卷之四

七



上海圖書館藏

金石學錄補

上海圖書館藏

